




OPERATIONES CHYMICÆ.



DISTILLATIONUM MODI.

AQUÆ DISTILLATÆ SIMPLICES.

AQUA RORIS MAIALIS.

Rx. Roris Maialis, quantum libuerit.
Distilla Balneo-maris circiter ad duas tertias.
Simili modo distillantur
Aquæ Pluvialis,
Fontana,
Fluviatilis.

MODUS DISTILLANDI HERBAS SUCCOSAS.

Rx. Herbas illas recentes, antequam sint prægnantes femine, congruo tempore lectas, & expurgatas.
Concidantur minutim, affusâ aquæ calentis, sufficienti quantitate.
Fiat fortis maceratio, cola ad usum,
Tum
Rx. Similes herbas recentes pariter concisas; mittantur in vesicam stanno obductam, affundendo infusi supra dicti partem æqualem aut duplam, habitâ ratione temporis,
Y ij

æstatis, & soli : adaptetur capitellum refrigeratorio suo munitum. Fiat distillatio secundum artem ad medias. Aqua elicitâ soli exponatur per dies aliquot.

Sic distillantur

Acetosa,
Chelidonium,
Lactuca,
Oxytriphylum,
Parietaria,
Portulaca,
Solanum,
Sempervivum, &c.

Nota. Sempervivum, nullâ additâ aquâ, sed contusum distillari debere.

MODUS DISTISLLANDI HERBAS
MINUS SUCCOSAS ET HERBAS VISCOSAS.

Pari modo hæc distillantur ac succosæ ; sed modo duplâ, interdum triplâ aut quadruplâ liquoris quantitate indigent, habitâ ratione substantiæ ; insuper aliæ opus habent solâ infusione, aliæ diuturniori maceratione.

Per aliquot horas infunduntur Per viginti-quatuor horas
& amplius macerantur

Argentina,	Artemisia,
Betonica,	Bardana,
Bugula,	Borrago,
Cichorium,	Buglossum,
Calendula,	Centinodia,
Centaurium minus,	Carduus Benedictus,
Fumaria,	Consolida major,
Herniaria,	Euphrasia,
Sanicula,	Plantago,
Veronica,	Scabiosa,
	Verbena,
	Ulmaria.

[MODUS DISTILLANDI HERBAS

ACRI SUCCO PRÆGNANTES.

Rx Herbas illas virentes, minutim incide. Affunde pro libris singulis aquæ limpidae libras circiter duas.
Distilla secundum artem ad medias.

Sic distillantur

Beccabunga,
Berula,
Cochlearia,
Lepidium,
Nasturtium,
Perficaria urens,
Trifolium fibrinum,
Raphanus rusticanus qui cum radice Scobinâ derasâ distillatur.

MODUS DISTILLANDI PLANTAS ODORAS.

Rx Plantas illas recentes cum floribus: mundatis illis & manibus discerptis affunde aquæ limpidae quatuor circiter libras pro quâque librâ Plantarum, distilla ex arte, & elice aquæ libram unam.

Hoc modo distillantur

Absinthium,
Angelica,
Chamæmelum,
Chærophillum,
Feniculum,
Hysopus,
Majorana,
Melissa,
Mentha,
Ruta,
Salvia,
Scordium,
Tanacetum,

Y iij

Thymum.

Huc pertinent Myrtus,

Sabina,

Summitates Arantiorum,

Citreorum,

Lauri,

Lentisci, quorum folia & summi-

tates per biduum macerari indigent: tum & Angelica, si cum radicibus distillatur.

MODUS DISTILLANDI BACCAS ET SEMINA.

Rx. Baccarum Juniperi recentium contusarum, libras quatuor.

Aquæ communis circiter, libras sexdecim.

Macerentur per viginti-quatuor horas in loco tepido. Distilla secundum artem circiter ad medias.

Simili modo distillantur

Baccæ Lauri, &c.

Semina Angelicæ,

Apii hortensis,

Coriandri,

Carui,

Cumini,

Fœniculi, &c.

MODUS DISTILLANDI FLORES INODOROS.

Rx. Flores istos recentes; adde pro singulis libris florum aquæ limpidæ calentis libras circiter tres. Distilla secundum artem, & elice aquæ libram unam.

Hoc modo distillantur

Flores Cyani,

Fabarum,

Nymphææ,

Pœoniæ,

Papaveris Rhæados, &c.

MODUS DISTILLANDI FLORES

ODOROS SUCCOSOS.

R Flores istos recentes mundatos. Adde aquæ limpidæ libras circiter tres pro singulis florum libris. Distilla secundum artem, & elice aquæ libram unam.

Hoc modo distillantur

Flores Arantiorum,
 Caryophyllorum hortensium,
 Keiri,
 Acaciæ,
 Lili convallium,
 Liliorum alborum,
 Rosarum pallidarum,
 Rubrarum,
 Damascenarum,
 Sambuci,
 Tiliæ,
 Primulæ veris, &c.

Nota. Flores istos mundatos posse distillari per se Balnearis, & elici aquæ uncias sex, & vocabuntur Aquæ Essentiales florum.

MODUS DISTILLANDI FLORES

ODOROS MINUS SUCCOSOS.

R Flores istos cum calycibus. Affunde aquæ limpidæ libras circiter quatuor pro singulis florum libris; macerentur per viginti-quatuor horas. Fiat distillatio secundum artem, elice aquæ libram unam.

Hoc modo distillentur

Flores Calendulæ,
 Chamæmeli,
 Lavandulæ,
 Matricariæ,
 Meliloti,
 Rorismarini,
 Stoechados,

Tussilaginis,
Calyces Rosarum, &c.

MODUS DISTILLANDI FRUCTUS.

Rx Fructus maturos, tunde leviter, adde aquæ limpidae libram circiter unam pro singulis fructus libris; distilla ex tempore secundum artem, elice aquæ uncias octo.

Sic distillantur

Fructus Alkekengi,
Cornorum,
Mespilorum, &c.

Fraga & Frambesia distillantur manibus tantum contrita.
Cerasa nigra contrita cum Nucleis contusis.

Melones, Citrulli, Cucumeres, &c. pelle denudati & in taleolas secti.

AQUA NUCUM.

Rx Iulorum seu florum Nucis Juglandis, quantum volueris. Terantur & infundantur in aliorum Iulorum decocto ad supereminentiam. Distilla.

Aquam distillatam affunde supra Nuces immaturas & contusas. Macerentur per viginti-quatuor horas. Fiat altera distillatio.

Affunde aquam hanc distillatam supra Nuces maturitati proximas contusas. Macerentur ut supra, & fiat tertia distillatio.

AQUA CORTICUM CITREI.

Rx Corticum exteriorum Citrei scobinâ deraforum, libram unam.

Aquæ communis, libras sex.

Macerentur per biduum. Distilla secundum artem. Elice aquæ libras quatuor.

Simili modo distillantur

Cortices Arantiorum,
Bergamiorum.

Nota


Nota. Ejusmodi fructus unâ cum cortice per taleolas secti per se distillari posse Balneo-maris, ut eliciatur aqua dicta toriûs fructûs.

AQUA CINNAMOMI HORDEATA.

Rx Cinnamomi acuti frustulatim effracti, libram semis.
 Decocti hordei calentis, libras quatuor.
 Fiat maceratio per biduum, in loco calido. Distilla ex arena secundum artem in cucurbitâ vitreâ. Libras duas aquæ elicit.

AQUA CINNAMOMI SPIRITUOSA.

Rx Cinnamomi acuti frustulatim effracti, libram semis.
 Aquæ communis, libras duas semis.
 Spiritûs vini rectificati, libram semis.
 Fiat maceratio per triduum in vase vitreo ritè obturato. Distilla Balneo-maris; elice aquæ libras duas.



MODUS DISTILLANDI LIGNA,
 CORTICES ET RADICES SICCAS.

AQUA LIGNI SASSAFRAS.

Rx Ligni Sassafras scobinâ derasi, libram unam.
 Aquæ communis circiter, libras sex.
 Macerentur per aliquot dies in loco tepido. Per vesicam distilla circiter ad medias.

Simili modo distillantur

Aquæ lignorum Rhodii,
 Aloës,
 Santali citrini,

Z

Aquilæ,
 Cerasi amari, &c.
 Corticum Sassafras,
 Cascarillæ,
 Costi albi, &c.
 Radicum siccarum Enulæ,
 Angelicæ,
 Mei,
 Calami aromatici,
 Cyperi, &c.

AQUA SPERNIOLÆ,
 SIVE SPERMATIS RANARUM.

R Sperniolæ recentis idoneo tempore lectæ,
 quantum volueris.
 Distilla Balneo-maris ferè ad siccitatem, cavendo ab Em-
 pyreumate.

Simili modo distillantur

Aquæ Milleflorum, seu
 Stercoris vaccini,
 Seri lactis,
 è Typhis cervinis,
 è Secundis puerperarum,
 è Viperis, &c.

AQUA MELLIS.

R Mellis exquisiti, quantum volueris.
 Inde in cucurbitam vitream, cujus quintam aut sextam
 capacitatis partem occupet. Elicito phlegma Balneo-maris.
 Tum materiæ superstiti misce arenæ lotæ & exsiccatae quantum
 capere poterit. Distilla ex arenâ. Prodiabit aqua flava seu spi-
 ritus phlegmati permiscendus.

Nota. Aquam flavam seu spiritum pro tinctura Corallorum
 distillatione rectificari debere.



AQUÆ DISTILLATÆ COMPOSITÆ.

AQUA MELLIS ODORA REGIA.

℞ Aquæ vitæ, libras quatuor & semis.
 Mellis albissimi,
 Coriandri, ana uncias octo.
 Caryophyllorum, drachmas sex.
 Nucis Moschatæ,
 Styracis Calamitæ,
 Benzoini, ana drachmas quatuor.
 Vaniliarum, drachmas tres.
 Flavedinis citrei recentis, unciam unam.

Pulveranda crassiusculè pulverentur, & omnia simul mace-
 rentur per biduum. Tum instituatür distillatio Balneo-maris
 ferè ad siccitatem. Inter distillandum Ambari & Moschi ana
 grana duo cum semisse nodulo inclusa extremo capitelli rostro
 ita appendantur, ut stillans aqua odore aromatum imprægnetur.

Distillato liquori admisce

Aquarum Rosarum,

Naphæ, ana uncias duodecim.

Et serva ad usum in vase ritè clauso.

AQUA MELISSÆ COMPOSITA.

℞ Foliorum Melissæ recentis, uncias quatuor.
 Flavedinum citrei recentium, uncias duas.
 Nucis Moschatæ,
 Coriandri, ana unciam unam.
 Caryophyllorum,
 Cinnamomi,
 Radicis Angelicæ Bohemicæ, ana unciam semis.
 Contusis contundendis omnia macerentur per triduum in
 Spiritûs vini rectificati, libris duabus.

Z ij

Aquæ Melissæ Balneo-maris distillatæ, libra una;
Distilla Balneo-maris secundum artem ferè ad siccitatem.

AQUA MENTHÆ COMPOSITA.

Rx. Foliorum Menthæ recentium mundatorum, libras duas.
Absinthii minoris, uncias tres.
Ocymi,
Pulegii, ana uncias duas.
Florum Rosimarini siccatorum,
Stœchados, ana drachmas duas.
Cinnamomi, unciam semis.
Coriandri, drachmas sex.
Caryophyllorum, drachmam unam.
Spiritus vini rectificati, libram unam.
Aquæ infusionis Menthæ, libras quinque.
Pulveranda pulverata macerentur per duodecim horas. Tum
distilla Balneo-maris ferè ad siccitatem.

AQUA ODORATA,
MILLEFLORUM DICTA.

Rx. Aquarum essentialium,
Florum Arantiorum, uncias octo.
Rosarum pallidarum,
Moschatarum, ana uncias quatuor.
Meliloti, uncias sex.
Caryophyllorum hortensium,
Thymi,
Santali citrini, ana uncias tres.
Mellis regię, uncias octo.
Spiritus ardentis Rosarum,
Corticis citrei, ana unciam unam.
Essentię regię,
Tincturę Ambari,
Molchi, ana guttas tres.
Fiat mixtura.

AQUA REGINÆ HUNGARIÆ.

Rx Florum Rorismarini recentium cum calycibus,
 quantum volueris.
 Mitte in cucurbitam vitream. Affunde spiritus vini recti-
 ficati quantitatem sufficientem, ut imbuantur. Occlusis com-
 missuris fiat maceratio per quindecim dies. Distilla secundum
 artem Balneo-maris.

AQUA AD GINGIVAS.

Rx Cinnamomi acuti, unciam unam.
 Caryophyllorum, drachmas quatuor.
 Cortices duorum limonum majorum recentium,
 Aquæ Nasturtii aquatici, libram unam.
 Rosarum, libram semissem.
 Spiritus vini rectificati, libras tres.
 Contusis contundendis, omnia digerantur per viginti-qua-
 tuor horas in cucurbitâ vitreâ. Distilla Balneo-maris ad ficci-
 tatem.

AQUA IMPERIALIS.

Rx Radicum Imperatoriz,
 Cyperi,
 Ireos Florentinæ,
 Angelicæ Bohemicæ,
 Acori veri,
 Galangæ minoris,
 Zedoariæ, ana unciam semissem.
 Cinnamomi acuti, uncias duas.
 Santali citrini,
 Summitatum siccatarum Hyssopi,
 Majoranæ,
 Thymi,
 Satureiæ, ana unciam unam.
 Florum Lavandulæ,
 Salviæ,

Z iij

Anthos,
 Calendulæ,
 Betonicæ,
 Stœchados, ana drachmas duas.

Caryophyllorum,
 Nucis Moschatæ,
 Flavedinum citrei,
 Arantiorum recentium, ana uncias duas.

Contundenda contundantur, omniaque macerentur simul
 per triduum in

Aquæ vitæ,
 Melissæ simplicis, ana libris quatuor.
 Florum Arantiorum, libra dimidia.

Fiat distillatio Balneo-maris ferè ad siccitatem.

AQUA ANTINEPHRITICA,
 VULGO de Bellegarde.

Rx Turpethi,
 Ligni Aloës,
 Santali citrini, ana uncias duas.
 Galangæ,
 Cubeborum,
 Mastiches,
 Olibani,
 Cinnamomi,
 Caryophyllorum,
 Nucis Moschatæ, ana unciam unam.
 Terebinthinæ, uncias duas.
 Mellis optimi, libras duas.
 Aquæ vitæ, libras quatuor.

Contusis contundendis, fiat maceratio per biduum. Mox
 distillentur omnia Balneo-maris.

AQUA THERIACALIS.

Rx Radicum Helenii,
 Angelicæ Bohemicæ,

SALUB. FACULTATIS PARISIENSIS. 183

Cyperī,
Zedoariæ,
Caryophyllatæ,
Contrayervæ,
Imperatorię,
Valerianę sylvestris,
Viperinę, ana unciam unam,
Flavedinum Citrei,
Arantium recentium.
Cinnamomi,
Galangę,
Baccarum Juniperi,
Lauri,
Summitatum Salvię,
Anthos,
Ruthę, ana femiunciam,
Aquę vitę,
Nucum, ana libras duas.

Fiat maceratio per triduum. Tandem dissolve Theriacę
eximę uncias octo. Distilla secundum artem Balneo cinerum.

Si Camphorę drachmę duę addantur unciis decem aquę
Theriacalis supra dictę, tunc Spiritus Theriacalis camphora-
tus nuncupatur.

AQUA VULNERARIA.

Rx. Radicum Symphyti majoris,
Foliorum Symphyti majoris,
minoris,
Bellidis majoris,
minoris,
Bugulę,
Saniculę,
Betonicę,
Scrophularię majoris,
Plantaginis,
Agrimonię,
Hyperici cum summitatibus.

Vincæ Pervincæ,

Hederæ terrestris,

Artemisiæ,

Veronicæ,

Verbenæ,

Telephii majoris,

Millefolii, ana uncias quatuor.

Foliorum & summitatum Salviæ minoris,

Angelicæ,

Tanaceti,

Absinthii vulgaris majoris,

minoris,

Chelidonii,

Fœniculi,

Aristolochiæ clematidis,

Menthæ,

Hysopi,

Nicotianæ, ana uncias octo.

Rutæ,

Chamæmeli,

Scordii,

Majoranæ,

Rorismarini, ana

uncias quatuor.

Concisa omnia misceantur. Tum adde

Summitatum Lavandulæ floridarum & exsiccatarum,

Origani,

Calaminthæ, ana uncias sex.

Fiat maceratio per quatrimum in loco calente cum vini
albi libris quinquaginta. Distilla ad medias Balneo-maris.

AQUA VULNERARIA SPIRITUOSA.

Rx Earumdem herbarum ac supra in aquâ vulnerariâ idem
pondus. Similiter concidantur. Harum fiat maceratio
per octiduum in

Aquæ vitæ, libris quinquaginta.

Distilla secundùm artem.

Eadem parari potest absque distillatione.

AQUA

AQUA GENERALIS.

R. Seminum Coriandri,
 Carvi,
 Seseleos,
 Cumini,
 Anisi,
 Fœniculi,
 Anethi, ana unciam unam semis.
 Radicum Pœoniæ maris,
 Valerianæ sylvestris,
 Galangæ minoris,
 Zedoariæ,
 Mei,
 Spicæ-Nardi,
 Angelicæ Bohemicæ,
 Anthoræ,
 Carlinæ,
 Contrayervæ,
 Viperinæ,
 Gentianæ,
 Imperatoriæ,
 Vincetoxici,
 Helenii,
 Ireos Florentinæ,
 Ari,
 Acori veri,
 Zingiberis,
 Rubiæ tinctorum,
 Curcumæ,
 Filicis majoris,
 Cyclaminis,
 Bryoniæ,
 Aristolochiarum trium,
 Fraxinellæ,
 Pentaphylli,

A a

Caryophyllatæ,
 Raphani rusticani,
 Trifolii fibrini,
 Fœniculi,
 Calcitrapæ,
 Pimpinellæ saxifragæ,
 Chelidonii utriusque,
 Scrophulariæ,
 Cynoglossi,
 Asari, ana unciam unam.
 Foliorum Betonicæ,
 Chamædryos,
 Chamæpityos,
 Majoranæ,
 Melissæ,
 Ocimi,
 Origani,
 Pulegii,
 Polii montani,
 Rorismarini,
 Serpilli,
 Thymi,
 Hyssopi,
 Salviæ minoris,
 Satureiæ,
 Mari,
 Scordii,
 Marrubii albi,
 Veronicæ,
 Menthæ hortensis,
 Fumaricæ,
 Absinthii Pontici,
 minoris,
 Bellidis majoris,
 minoris,
 Tanaceti,
 Matricariæ,
 Nepetæ,

	Dictamni Cretici ,		
	Abrotani ,		
	Centaurii minoris ,		
	Chærophylli ,		
	Virgæ aureæ ,		
	Hyperici ,		
	Cochleariæ ,		
	Beccabungæ ,		
	Nasturtii ,		
	Trifolii fibrini ,		
	Sifymbrii ,	ana	unciam unam.
Florum	Rorismarini ,		
	Betonicæ ,		
	Lavandulæ ,		
	Lilii convallium ,		
	Primulæ veris ,		
	Stoechados ,		
	Rosarum rubrarum ,		
	Tiliæ ,		
	Tunicæ ,		
	Sambuci ,		
	Arantiorum ,		
	Calendulæ ,		
	Genistæ ,		
	Keiri ,		
	Chamæmeli Romani ,		
	Croci ,	ana	drachmas tres.
Baccarum	Lauri ,		
	Juniperi ,		
Piperis	longi ,		
	rotundi ,	ana	unciam unam semis.
	Cubebæ ,		
	Macis ,		
	Nucis Moschatæ ,		
	Caryophyllorum ,		
	Cardamomi ,		
	Corticum Citrei ,		
	Arantiorum ,	ana	uncias tres.
			A a ij

Lignorum Aloës,
 Cedrini,
 Sassafras,
 Santali citrini,
 Rhodii,
 Visci Querni, ana uncias duas.
 Calcarillæ, uncias quatuor.
 Gummi Carannæ,
 Myrrhæ,
 Tacamahacæ,
 Benzoini,
 Styracis Calamitæ,

Aloës,
 Karabe, ana unciam semissem.
 Castorei, drachmas duas.
 Opii Thebaici, unciam unam.

Radices & Folia debito tempore lecta exsiccentur, exceptis foliis antiscorbuticis, quæ recentia sumenda sunt; flores verò recentes collecti in aquâ vitæ serventur ad tempus distillationis. Tum incisis incidendis, contusisque contundendis, affunde pro unâ quâque librâ

Aquæ vitæ, libras quatuor.

Fiat maceratio per quindecim dies, tum & distillatio secundum artem.

AQUA ANTISCORBUTICA.

Rx. Radicis Raphani rustici in taleolas sectæ, libram unam.
 Herbarum Cochleariæ,
 Nasturtii hortensis,
 Aquatici,
 Sii sive Berulæ,
 Beccabungæ,
 Trifolii fibrini, ana uncias quatuor.
 Seminum Erucæ,
 Sinapeos, ana uncias tres.
 Mala Citrea numero, tres.

SALUB. FACULTATIS PARIISIENSIS. 189

Contusis seminibus, foliis & fructibus incisis affunde
 Vini albi, libras quatuor.
 Macerentur per viginti-quatuor horas. Distilla secundum
 artem ferè ad siccitatem.

AQUA HIRUNDINUM MAGISTRALIS.

Rx Pullos Hirundinum vivos disceptos numero,
 quindecim.
 Visci Querni, unciam unam semis,
 Cranii humani,
 Radicum Pconiaë maris,
 Valerianaë sylvestris minoris,
 Seminis Pconiaë excorticati, ana uncias duas.
 Aquarum stillatitiarum Florum Sambuci,
 Tiliaë,
 Lillii convallium,
 Ceraforum nigrorum,
 ana uncias duodecim.
 Spiritus vini rectificati, uncias sexdecim.

Macerentur omnia simul per viginti-quatuor horas. Fiat
 distillatio Balneo vaporis ad siccitatem. Tum massa superstes
 per retortam distilletur, spiritusque urinosus qui per retortam
 distillatus fuerit, igne leni rectificetur, oleo in fundo relicto:
 spiritus iste rectificatus cum priori liquore misceatur, digera-
 tur & servetur ad usum.

AQUA HYSTERICA.

Rx Radicum Bryoniaë siccaë,
 Levistici,
 Fraxinellæ, ana unciam unam.
 Zedoariaë, unciam semissem.
 Cassiaë Lignæ,
 Flavedinis siccaë Arantiorum amarorum,
 Citreorum, ana drachmas sex.
 Foliorum Artemisiaë,
 Pulegii,

A a ij

Nepetæ, ana uncias duas & semis.
 Sabinæ,
 Rutæ,
 Ocimi, ana unciam unam.
 Florum Matricariæ,
 Pulsatillæ, ana drachmas sex.
 Croci, drachmam semissem.
 Baccarum Sambuci maturarum siccatarum,
 uncias tres.
 Cardamomi minoris, drachmas tres.
 Seminis Dauci Cretici,
 Cumini,
 Rutæ sylvestris,
 Viticis, ana drachmas duas.
 Castorei, semiunciam.
 Opii Thebaici, drachmas duas.
 Caphuræ, drachmam unam.
 Myrrhæ, unciam semissem.
 Galbani,
 Sagapeni, ana drachmas tres.
 Aſſæ fœtidæ, drachmam unam semis.
 Inciſis incidendis, contuſis contundendis affunde
 Vini albi generoſi, libras quindecim.
 Digere in hypocausto per quindecim dies, identidem vas
 agitando. Diſtilla ſecundum artem Balneo-maris, & duas ter-
 tias elice.

AQUA EPILEPTICA.

Rx. Radicum recentium Valerianæ ſylveſtris minoris,
 Pœoniæ maris, ana uncias duas.
 Caryophyllatæ, unciam unam.
 Angelicæ,
 Fraxinellæ, ana unciam ſemissem.
 Foliorum Diſtamni Cretici, unciam unam semis.
 Florum Liliorum convallium,
 Tiliæ, ana uncias tres.
 Anthos,

SALUB. FACULTATIS PARISIENSIS. 191

Lavandulæ, ana unciam unam.
Stœchados Arabicæ, unciam dimidiam.

Caryophyllorum,

Macis, ana drachmas duas.

Castorei, drachmam unam semis.

Incisis incidendis, contusis contundendis, mitte omnia in vas idoneum. Affunde

Vini albi generosi, libras octo.

Macerentur per sex dies, identidem vas agitando; adde

Aquæ stillatiæ Cerasorum nigrorum, libras duas,

Distilla Balneo-maris ex cucurbitis vitreis, & eliciantur libræ octo.

AQUA PROPHYLACTICA.

Rx Radicum Petasitidis,
Carlinæ,
Cyperi, ana uncias duas.
Zedoariæ, unciam unam.
Angelicæ, unciam semissem.
Foliorum Melissa,
Scordii,
Polii,
Dictamni Cretici, ana uncias tres.
Rutæ, uncias duas.
Florum Genistæ,
Calendulæ,
Tunicæ,
Stœchados, ana unciam unam.
Anthos, unciam semissem.
Croci, drachmam unam.
Cardamomi minoris,
Baccarum Juniperi,
Anisi stellati ana drachmas duas.
Macis,
Caryophyllorum, ana drachmam unam.
Caphuræ, semidrachmam.
Nucum Juglandium immaturarum, libram unam.

Citreorum recentium, libram semissem.
 Contulis contundendis, incisis incidendis affunde
 Acetorum Sambuci,
 Dracunculi, ana libras sex.
 Macera per octo dies in loco calido, identidem vas agitan-
 do. Distilla, ut artis est, igne cinerum ferè ad siccitatem.

AQUA LACTIS ALEXITERIA.

Rx. Foliorum recentium Cardui Benedicti,
 Scabiosæ,
 Ulmaria,
 Melissæ, ana uncias duas.
 Menthæ, unciam unam.
 Angelicæ, unciam semissem.

Disceptis affunde
 Seri Lactis recentis, libras sex.
 Distilla secundùm artem ex vesicâ Balneo-maris. Elice li-
 bras quatuor.

AQUA LIMACUM.

Rx. Limacum in vinetis collectorum, à sordibus munda-
 torum, libras tres.
 Leviter contunde cum testis. Mitte in cucurbitam vitream.
 Affunde
 Seri Lactis recentis, libras quatuor.
 Distilla secundùm artem Balneo-maris ad medias.



APPENDIX



APPENDIX AD AQUAS.

AQUA DIVINA, SEU MIRABILIS.

Rx Aquæ Florum Arantiorum, uncias duas.
 Spiritûs vini rectificati, uncias octo.
 Aquarum Flavedinis citrei,
 Melissæ simplicis,
 Buglossi,
 Borraginis,
 Scorzoneræ,
 Cardui Benedicti, ana uncias quatuor.
 Sacchari albi, uncias sex.

Misceantur omnia. Digerantur in loco frigido per octiduum. Dein trajiciantur per manicam.

CLARETUM E SEX SEMINIBUS CARMINATIVIS, VULGO *Rosolis des six graines.*

Rx Seminum Anisi,
 Fœniculi,
 Anethi,
 Coriandri,
 Carvi,
 Dauci, ana unciam unam.

Contundantur & macerentur in vase vitreo ritè obturato, sub radiis solaribus per tres septimanas, cum aquæ vitæ quantitate sufficienti, ad supereminentiam quatuor circiter digitorum. Fiat colatura per chartam bibulam. Colaturæ adde syrupum paratum ex sacchari albi librâ unâ & aquæ Chamæmeli aut Graminis quantitate sufficiente.

Misceantur & serventur ad usum.

B b

AQUA AD GINGIVAS,
PER INFUSIONEM.

Rx Cinnamomi contusi, drachmam unam semis.
 Caryophyllorum, drachmam semis.
 Aluminis Rupei pulverati, drachmas quatuor.
 Aquæ bullientis, libram unam semis.

Digerantur in matratio, dum omninò frigidus sit liquor.
 Tum adde

Aquæ Plantaginis, uncias sex.
 Florum Arantiorum, drachmas quatuor.
 Spiritûs Corticum Citrei, drachmas duas.
 Vini rectificati, uncias sex.

Iterum digerantur per viginti-quatuor horas. Filtra & conserva.

AQUA CALCIS.

Rx Calcis vivæ, libram unam.
 Sensim affunde
 Aquæ communis, libras octo.

Post ebullitionem completam & debitam residentiam, cola
 ad usum.

AQUA PHAGEDÆNICA.


Rx Recentis aquæ calcis, libram unam.
 Misce
 Mercurii sublimati corrosivi, grana viginti.
 Subinde agita in mortario vitreo vel marmoreo.

AQUA STYPTICA.

Rx Vitrioli albi,
 Aluminis,
 Sacchari albi, ana unciam semissem.
 Aquarum Plantaginis,
 Centinodiæ, ana uncias sex.
 Solve. Dige. Cola ad usum.

AQUA ALUMINOSA.

Rx Aquarum stillatitiarum Rosarum, *ana* libram unam.
Plantaginis, *ana* drachmas tres.
Centinodii, *ana* drachmas tres.
Aluminis purgati, *ana* drachmas tres.
Fiat dissolutio servanda ad usum.



PHLEGMATA.

PHLEGMA VITRIOLI.

Vide *SPIRITUS ET OLEUM VITRIOLI.*

PHLEGMA ALUMINIS.

Vide *SPIRITUS ET PHLEGMA ALUMINIS.*



SPIRITUS VOLATILES.

SPIRITUS VINI,
VULGO AQUA VITÆ.

Rx Vini generosi (albi imprimis) quantum volueris.
Mitte in cucurbitam satis amplam, cujus mediam
partem vinum occupet. Adapta capitellum refrigeratorio suo
instructum, obseratis commissuris, igne mediocri distilla do-
nec prodiens liquor flammam non concipiat.

Bb ij

AQUA VITÆ CAMPHORATA.

Rx. Aquæ vitæ, libram unam.
 Dissolve
 Camphoræ, unciam semissem.
 Vase obturato serva.

SPIRITUS VINI RECTIFICATUS.

Rx. Aquæ vitæ, quantum volueris.
 Distilla igne blando ex organo cochleæ modo flexuoso,
 vulgo (*Serpentin*) & habebis spiritum vini rectificatum.

SPIRITUS VINI TARTARISATUS.

Rx. Spiritus vini rectificati, libras quatuor.
 Salis Tartari, libram unam.
 Digerantur ex arenâ per horas duodecim, liquorem spiri-
 tuosum effunde per inclinationem, & serva.

SPIRITUS VINI CAMPHORATUS.

Rx. Spiritus vini rectificati, libras duas.
 Dissolve,
 Camphoræ, unciam unam.
 Vase ritè obturato serva.

SPIRITUS ARDENS CERASORUM NIGRORUM.

Rx. Cerasorum nigrorum maturorum cum nucleis, libras viginti.
 Contunde. Mitte in vas terreum. Affunde
 Mellis optimi, libras duas.
 Aquæ calentis, libras decem.
 Vase obturato macerentur in hypocausto, vel in loco repi-
 do, donec vinosum spirent odorem; tum ex arte distilla ex
 Balneo-maris. Spiritus inde prolicitus, repetitâ distillatione ex
 Balneo-maris, rectificetur.

Non absimili modo elici possunt

Spiritus ardentis Rosarum,
 Juniperi,
 Cochleariæ,
 Absinthii,
 Rorismarini, & similibus.

SPIRITUS CARMINATIVUS SYLVII.

Rx Radicum Angelicæ, drachmam unam.
 Imperatoriæ,
 Galangæ, ana drachmam unam semis.
 Foliorum Rorismarini,
 Majoranæ,
 Rutæ,
 Ocimi,
 Summitatum Centaurii minoris, ana
 unciam unam semis.
 Baccarum Lauri, drachmas tres.
 Seminum Angelicæ,
 Levistici,
 Anisi, ana semiunciam.
 Zingiberis,
 Nucis Moschatae,
 Macis, ana drachmam unam semis.
 Cinnamomi, drachmas tres.
 Caryophyllorum,
 Corticum Arantiorum, ana drachmam unam.
 Concisis & crasse contulis affunde
 Spiritus vini rectificati, uncias viginti.
 Digerantur per biduum Balneo-maris, & distillentur ad sic-
 citatem.

SPIRITUS SEU OLEUM TEREBINTHINÆ.

Rx Terebinthinae, quantum volueris.
 Aquæ limpidæ, triplum.
 Inde cucurbitæ vitreæ capitello instructæ, adaptato recepta-
 Bb iij

culo. Distilla ex arenâ usque ad duas tertias. Oleum in' receptaculo aquæ supernatans pellucidum, tenuè, à nonnullis spiritus Terebinthinæ ob ejus tenuitatem & pelluciditatem dicitur. Colligatur & seruetur ad usum, est oleum tenuius.

Simili modo distillantur

Balsama omnia liquida.

OLEUM TEREBINTHINÆ CRASSIUS,
ET COLOPHONIA.

R Terebinthinæ claræ, quantum volueris.
Distilla per retortam ex arenâ igne blando, vel ex Balneo-maris. Prodibit 1^o oleum tenuè pellucidum, priori simile, deindè oleum flavum paulò spissius: ac tandem in fundo cucurbitæ remanet massâ, quæ dum calens est lentescit, refrigerata indurescit, semipellucida est & fragilis instar Resinæ. Colophonia dicitur. Si de Colophoniâ nulla sit cura, institui potest distillatio Terebinthinæ cum intermediâ arenâ lotâ permixtæ: & tunc sub finem ignis urgetur ex arenâ. Major olei copia sic elicitur: & sub finem obtinetur oleum crassum rufescens, vel subnigrum empyreumaticum, nullius usûs.

Simili modo distillari possunt

Resinæ solidæ nempè
Balsamum Tolutanum,
Benzoinum,
Styrax Calamita,
Tacamahaca,
Caranna,
Elemi,
Labdanum, &c.

SPIRITUS, OLEUM ET SAL VOLATILE
CORNU CERVI.

R Cornu Cervi frustulatim secti, quantum volueris.
Imple retortam. Distilla igne aperto secundùm artem. Primò prodibit phlegmatis paxillum, mox oleum, denique sal volatile cujus pars cum phlegmate confunditur, pars vasis

lateribus adhærescit. Vasa refrigerata agitato ut oleum, sal volatile & phlegma commisceantur. Hæc indè matratio, leni calore sublime fiat sal volatile, affuso spiritu vini rectificandum. Superstes liquor filtretur ut oleum spissum separetur à spiritu.

Simili ratione distillantur

Cranium humanum,
Ossa,
Viperæ,
Ebur,
Sericum crudum,
Capilli,
Millepedes,
Spongiæ,
Bufones,
Secundæ,
Carnes animalium.

GUTTÆ ANGLICANÆ CEPHALICÆ.

Rx Spiritus volatilis Serici crudi cum suo sale, separato
oleo, uncias quatuor.
Olei stillatitii Lavandulæ, drachmam unam.
Spiritus vini rectificati, unciam semissem.
Digere per horas viginti-quatuor. Distilla ex arte donec
oleum prodeat.

SPIRITUS SALIS AMMONIACI.

Rx Salis Ammoniaci, uncias octo.
Calcis vivæ, libram unam semis.
Seorsim pulverata & mixta indè in retortam capacem loricatam. Affunde
Aquæ, uncias sex.
Ori retortæ manum admove, & agita; statimque adapta receptaculum amplissimum, commissuris non obseratis, sed arcè conniventibus, eductis per horæ quadrantem, & absque igne primis spiritibus, commissuras obsera. Tum adhibeatur ignis arenæ lenissimus, augendus ad secundum gradum; cum

nihil amplius prodibit, refrigeratis omnibus, exemptum illicò spiritum serva in vase ritè obturato.

Si loco Calcis vivæ sufficiatur sal Tartari anaticâ quantitate cum sale ammoniaco, pariter elicitur spiritus.

SPIRITUS VOLATILIS AROMATICUS OLEOSUS.

Rx. Corticum exteriorum exsiccorum Arantiorum,
Citreorum, ana drachmas sex.
Vanillæ Mexicanæ, unciam semissem.
Macis, drachmas duas.
Salis Tartari,
Ammoniaci, ana uncias quatuor.

Tunde omnia & simul inde in matratium. Affunde

Aquæ Cinnamomi hørdeatæ,

Spiritus vini rectificati, ana uncias quatuor.

Digere per aliquot dies, vase benè obturato, identidem agitando. Posthac mitte omnia in cucurbitam vitream, capitello & receptaculo instructam. Commissuras diligenter oblera. Distilla Balneo-maris. Prodiens liquor in vase idoneo servabitur.

SPIRITUS, OLEUM ET SAL VOLATILE URINÆ.

Rx. Urinæ recentis juvenis sani, quantum volueris.
Vaporet ad mellis consistentiam calore leni; tum inde in retortam vel cucurbitam, commissuris ritè obseratis, distilla igne lenissimo: prodibit primùm phlegma tenue cum olei pauxillo, aucto igne sal volatile sublime fiet, & lateribus vasis adhærebit, quod rectificabis, oleumque à spiritu separabis, ut dictum est, ubi de Spiritu Cornu Cervi, pag. 198.

Non absimili ratione distillatur

Sanguis humanus calore leni priùs siccatus.

Nota. Urinæ gelu factam concretionem loco evaporationis esse posse. Tumque abjectâ glacie, liquorem oleaginosum superstitem distillandum ut supra.

ESSENTIA

ESSENTIA ANTIHYSTERICA.

Rx Castorei, ana unciam semis.
 Assæ foetidæ, ana unciam semis.
 Oleorum essentialium Sabinæ,
 Rutæ, ana drachmam semis.
 Olei succini, drachmam unam.
 Camphoræ, scrupulum unum.
 Spiritûs vini rectificati, uncias decem.

Digere Balneo-maris per tres quatuorve dies. Distilla eodem Balneo. Materiæ superstiti affunde spiritum elicatum, addendo

Spiritûs Cornu Cervi suo sale volatili facti,
 uncias duas.

Iterùm distilla ferè ad siccitatem. Liquorem distillatum serva ad usum.



SPIRITUS ACIDI.

SPIRITUS ACETI.

Rx Aceti acerrimi, libras octo.
 Mitte in cucurbitam vitream capitello & receptaculo instructam. Distilla ex arenâ partem tertiam (quæ phlegma est) seorsim servandam. Ulteriùs distilla, & prodibit spiritus. Ab operatione cessabis, ubi stillans liquor empyreumaticum odorem spiraverit.

SPIRITUS MELLIS.

Vide *AQUA MELLIS*,

SPIRITUS ET OLEUM TARTARI.

Rx. Tartari contriti, quantum volueris.
 Inde retortæ capaci amplo instructæ receptaculo. Igne leni distilletur phlegma, donec nubeculæ albæ prodeant. Phlegmate abjecto, restituto receptaculo, commissuris luto obleratis, urgeatur ignis ad summum gradum, ut oleum exeat. Cessante omni distillatione vasa refrigescant. Oleum à spiritu chartæ vel panni operâ depone. Spiritum igne arenæ rectificata in cucurbitâ vitreâ.

Materia à distillatione superstes loco venire potest Tartari calcinati ad confectionem salis Tartari.

SPIRITUS ET OLEUM VITRIOLI.

Rx. Vitrioli viridis ad albedinem calcinati, quantum volueris.
 Inde retortæ loricatæ unâ tertiâ capaciori. Colloca in furno. Aptetur receptaculum amplissimum. Tum distilla igne primùm leni, & prodibit phlegma; quo elicito, commissuræ obserentur. Dein continuetur distillari acriori igne, tandem acerrimo. Post duos aut tres dies finietur operatio. Liquor elicitus rectificetur igne arenæ. Qui prodibit liquor, spiritus est; superstes in cucurbitâ, oleum.

AQUA RABELLIANA,
 VULGO *de Rabel.*

Rx. Marcastitas Passiacas, vel alias ferreo-vitriolicas, quantum volueris.
 Inde in ollam ferream. Affunde aquam ferventem ad supereminentiam quatuor digitorum. Bulliant per semihoram agitando. Tum marcastitas cochleari cribrato exime; decoctum decanta, & serva. Exemptas marcastitas mitte in fictilia, & in aprico diu noctuque expone, & cum dehiscere incipiunt, eas asperge identidem decocto superius asservato: cum verò in pulverem abierint, fiat lixivium per pannum aut chartam transcolandum. Ex hujus evaporatione exurget sal vitriolicum per retortam dis-

SALUB. FACULTATIS PARIENSIS. 203
cillandum instar olei vitrioli. Elicitum oleum cohoba super sal
ex colcothare seu capite mortuo distillationis extractum, & iterum
spiritus vini rectificati duplo edulca circulando in vase idoneo.

SPIRITUS ET OLEUM SULPHURIS.

Esto vas fictile vitratum, amplum & capax, ex cuius me-
dio assurgat fulcrum. Tum

Rx Sulphuris communis virescentis, quantum volueris.
Divide in frusta oblonga, & mitte in vas expansum.
Vas pone super fulcrum. Accende sulphur. Desuper suspen-
datur campana vitrea, vel vitreum infundibulum inversum,
ita ut liber aëri pateat aditus. Ascendet spiritus, & stillabit in
vas subjectum. Absumpto sulphure, novum in frusta divisum
sufficiatur. Procede ut supra, donec spiritus optatam quanti-
tatem obtinueris.

Nota. Felicius udo cælo opus succedet.

SPIRITUS ET PHLEGMA ALUMINIS, ET ALUMEN USTUM.

Rx Aluminis Romani, libras quatuor.
Mitte in cucurbitam fictilem capitello & receptaculo,
obseratis commissuris, instructam. Distilla igne arenæ. Prodi-
bit phlegma ad usus servandum. Extractam è cucurbitâ massam
superstitem, pulveratam inde retortæ fictili capaci, receptaculo
amplissimo aptato, & commissuris obseratis, distilla igne pri-
mum leni, per gradus augendo ad vehementissimum, in furno
reverberii, per tres dies continuandum. Vasis refrigeratis exemp-
tum spiritum rectifica, & serva.

Materia in fundo retortæ superstes, alumen ustum erit;
quod etiam ex alumine crudo igne nudo calcinato obtinebis.

SPIRITUS NITRI.

Rx Nitri purissimi, triti, libras duas.
Argillæ exsiccatae & pulveratae, libras sex.
Mixta inde in retortam terream capacem, luto obductam.
Cc ij

Ignē leni primūm phlegma elice, quod abjicito. Receptaculum capacius adapta, & ritē oblera. Urgeatur ignis ad tertium gradum: post aliquot horas ad quartum. Elapsis horis quatuordecim, receptaculum tepescet, & nihil ampliū prodibit.

Spiritus Nitri valentissimus alio modo obtineri potest.

Rx. Nitri purissimi, partes quinque.
Pulveratis, & retortæ vitreæ immixtis superfundantur
Olei vitrioli, partes quatuor.

Excipulum statim adaptatum benè muniatur. Deindè ex arenâ, igne gradatim aucto, distillatio instituat, donec nullæ ampliū guttæ stillent. Spiritus excipulo contentus est spiritus Nitri valentissimus, quo cum olea essentialia Cinnamomi, Caryophyllorum, permixta vehementer ebulliunt & flammam concipiunt. In vase benè clauso asservandus est.

Sal in retortâ residuum, aquâ solutum, & ritē crystallisatum, à Tartaro vitriolato parūm discrepans videtur.

SPIRITUS NITRI DULCIS.

Rx. Spiritus Nitri, uncias sex.
Spiritus vini rectificati, uncias duodecim.

Funde paulatim in retortam vitream capacem, receptaculo amplissimo ritē oblerato instructam. Digere per viginti-quatuor horas, dein distilla ex arenâ ad siccitatem, igne primi gradus, & obtinebis spiritum summè volatilem, odoratissimum.

SPIRITUS SALIS COMMUNIS.

Rx. Salis communis exsiccati & pulverati, libras duas.
Argillæ exsiccatæ & pulveratæ, libras octo.
Simul mixta indè retortæ capaci. Distilla ut de spiritu Nitri habetur.

Hâc ratione parva spiritus salis quantitas obtinetur.

At longè uberior & longè valentior spiritus salis extrahitur hoc modo.

Rx. Salis communis, uncias sexdecim.
Olei vitrioli, uncias octo.

Fiat deindè per retortam vitream ex arenâ distillatio salis ad

ficcitatem. Spiritus in vase accuratè obturato seruetur.

Massa salina in retortâ residua, igne aperto, in crucibulo calcinetur, donec nullos fumos edat, aquâ limpidâ dissolvatur, & crySTALLIFETUR, salem exhibet mirabilem Glauberi.

SPIRITUS DULCIS SALIS.

R̄ Spiritus salis, unciâs quatuor.
 Spiritus vini rectificati, unciâs octo.
 Distilla ut de spiritu Nitri dulci habetur.

AQUA FORTIS.

R̄ Vitrioli viridis ad albedinem calcinati, ana quantum volueris.
 Nitri purissimi, ana
 Seorsim trita & mixta simul, inde in retortam capacem lorricatam, receptaculo amplissimo instructam, obseratis commissuris distilla igne reverberii per gradus. Intra duodecim horas finietur operatio.

AQUA REGIA.

R̄ Salis Ammoniaci, unciâs quatuor.
 Spiritus Nitri, libram unam.
 Misce in matratio capaci, digere igne arenæ ad integram Salis Ammoniaci dissolutionem. Decanta.

MERCURIUS LIQUIDUS.

R̄ Mercurii spiritu Nitri dissoluti, unciam unam.
 Mitte in vas vitreum. Affunde
 Aquæ communis, unciâs viginti-quatuor.
 Post aliquot horas filtra ad usum.

SPIRITUS, SAL VOLATILE ET OLEUM SUCCINI.

Rx Succini flavi contriti, quantum volueris.
 Inde retortæ terreae aut vitreae loricatae capaci orificiique amplioris; adapta receptaculum amplissimum. Distilla igne primùm leni, & phlegma stillabit: auge sensim ignem ad tertium gradum; spiritus, sal volatile & oleum prodibunt. receptaculum agita, ut concretum & parietibus receptaculi hærens sal (additâ, si lubet, aquâ) colligatur & dissolvatur. Oleum à spiritu per chartam bibulam priùs aquâ madefactam separetur. Spiritum sale imbutum in cellâ reponere: crescent crystalli, à liquore, qui Spiritus nuncupatur, separandæ. Oleum quod rufescens est vel nigricans rectificatur mixtum cum ossibus ad albedinem calcinatis, & distillatum secundùm artem. Quod prodibit primum oleum, erit album, dein flavum, postremò rubrum. Singula dum procedunt excipe & serva.

*Simili modo distillari potest
 Gagates.*

SPIRITUS ET OLEUM GUAYACI.

Rx Scobis ligni Guayaci, quantum volueris.
 Inde retortæ capaci, adapta receptaculum amplum. Distilla in reverberio, primùm lento igne; phlegma prodibit, quod rejiciendum; postea obseratis commissuris, ignem urge ad ultimum gradum, donec nihil ampliùs extillet, & pelluceat receptaculum. Vasis refrigeratis, oleum nigrum à spiritu separa per chartam emporeticam priùs aquâ madefactam. Utrumque separatim rectificabis.

Simili modo distillantur

Buxus,
 Juniperus,
 Papyrus,
 Tabacum,
 Fuligo.



SALIA VOLATILIA.

SAL VOLATILE CORNU CERVI,

Cranii humani,
 Ossium,
 Viperarum,
 Serici crudi,
 Capillorum,
 Millepedum,
 Spongiarum,
 Bufonum,
 Carnium animalium.

Eodem modo extrahuntur.

Vide *SPIRITUS, OLEUM ET SAL VOLATILE CORNU CERVI.*

SAL VOLATILE SUCCINI,

Vide *SPIRITUS, SAL VOLATILE ET OLEUM SUCCINI.*

SAL VOLATILE AMMONIACUM.

Rx Salis Ammoniaci, libram unam.
 Salis Tartari, libras duas.

Siccata, pulverata seorsim & mixta inde in retortam; post horas duodecim affunde

Spiritus vini rectificati, uncias quatuor.

Retortâ benè obturatâ sine per horas duodecim. Coapta receptaculum. Commissuris vesicâ obleratis, ex arenâ leni igne distilla secundùm artem. Absolutâ distillatione & refrigeratis vasis, sal volatile à spiritu separatum servabis.

Nota. Spiritum hunc ab aliis *Spiritum salis ammoniaci vinosum*, ab aliis *dulcificatum* nominari.

SAL VOLATILE AROMATICUM.

Rx. Salis volatilis ammoniaci, uncias duas.
 Mitte in cucurbitam vitream. Affunde
 Olei stillatitii Lavandulæ, Mari, aut alterius cujuscumque
 Aromatici, drachmam unam.
 Sublime fiat igne arenæ secundum artem.

SAL VOLATILE URINÆ,
Sanguinis humani.

Eodem modo parantur.

Vide SPIRITUS, OLEUM ET SAL VOLATILE URINÆ.

SAL SEDATIVUM.

Rx. Salis Colcotharis ex vitrioli distillatione superstitis, uncias duas.
 Solve in
 Aquæ ferventis, quantitate sufficienti.
 Boracis tritæ, uncias duas.
 Solve pariter in
 Aquæ ferventis, quantitate sufficienti.
 Solutiones misce. Sine residere. Filtra. Mitte in cucurbitam
 vitream humilem & latioris fundi. Vaporent ad pelliculam.
 Tunc capitellum & receptaculum adapta. Distilla igne arenæ
 ad siccitatem. Omnis aqua elicita abjicitur, exceptis quatuor
 ultimis unciis quæ servabuntur. Cum nihil humoris stillat am-
 plius, sal volatile sublimatur nivis instar. Finitâ sublimatione,
 vasis refrigeratis, flores excipe. Ex unciis quatuor liquoris
 supra asservati fiat cohobatio cum materiâ in fundo cucur-
 bitæ residuâ. Distilla & liquorem serva. Sublima ut supra, &
 hæc sublimatio erit priori copiosior. Cohobationes, distilla-
 tiones & sublimationes repete, donec nulli amplius sublimen-
 tur flores.

Idem sal parari potest ex parte unâ olei vitrioli, loco salis
 Colcotharis, & ex duabus tribusve partibus Boracis.

OLEA



O L E A.

OLEUM CARYOPHYLLORUM.

R Caryophyllorum contusorum, libram unam.
 Aquæ ferventis, libras decem.

Mitte in vas idoneum coopertum. Digere in hypocausto saltem per quindecim dies. Distilla igne nudo ad medietatem ex vesicâ suo refrigeratorio & receptaculo instructâ. Refrigeratis vasis, oleum ab aquâ separâ.

Simili modo elicies

Olea Cinnamomi,	Seminum Anisi,
Macis,	Anethi,
Nucis Moschatae,	Carvi,
Cubebarum,	Cumini,
Amomi,	Fœniculi,
Cardamomi,	Baccarum Juniperi,
Piperis,	Lauri,
Lignorum Rhodii,	Corticum Arantium,
Cedri,	Citreorum.
Sassafras,	Arantium & Citreorum
& similibus. Item	nascentium & immaturorum.

Olea Absinthii,
 Majoranæ,
 Menthæ,
 Rorismarini,
 Rutæ,
 Sabinæ,
 Salviæ,
 Thymi,
 Florum Lavandulæ,
 Arantium,

Observandum primò plus minus alia aliis esse digerenda,
 & majori vel minori aquæ copiâ iis vel illis opus esse.

D a

2^o. Plantas aromaticas siccas esse adhibendas, & biduò tantùm macerandas.

3^o. Semina, baccas & ligna ante digestionem contundenda esse, vel scobinâ deradenda, longiorique tempore maceranda.

4^o. Cortices esse deradendos, sed nullâ maceratione indigere.

OLEUM GUAYACI,
Buxi.

Vide *SPIRITUS ET OLEUM GUAYACI* pag. 206.

OLEUM TEREBINTHINÆ,

Mastiches,

Olibani,

Tacamahacæ,

Gummi Elemi,

Ammoniacy,

Labdani,

Sandaracæ,

Myrrhæ recentis,

Picis,

Benzoini,

Galbani.

Vide *SPIRITUS ET OLEUM TEREBINTHINÆ* pag. 138.

OLEUM SUCCINI,
Gagatis.

Vide *SPIRITUS, SAL VOLATILE ET OLEUM SUCCINI*
pag. 205.

OLEUM CERÆ.

Rx. Ceræ flavæ, unciæ sex.
Arenæ siccæ cribratæ, unciæ duodecim.
Liquefiat Cera in patellâ terreâ : fluenti adde arenam. Remove ab igne, & continuò agita, donec refrigeret; ex hâc materiâ nondum induratâ formentur globuli, qui ex retortâ

vitreâ loricatâ igne tertii gradûs distillentur per horas decem. Prohibet oleum fluidum à phlegmate separandum ; tum aucto igne , oleum butyraceum , quod ut fluidum fiat , arenæ aut calci vivæ admixtum iterùm atque iterùm distillabis.

OLEUM TARTARI.

Vide *SPIRITUS ET OLEUM TARTARI* pag. 202.

OLEUM DE LATERIBUS,
SEU OLEUM PHILOSOPHORUM.

Rx Lateres confractos , quot volueris. Candescant & illicò immergantur oleo claro , statim vas cooperiendo , ne accendatur. Sinito , donec refrixerint. Exemptos lateres terito. Indito retortæ loricatæ. Addito receptaculum capax , commissurisque obseratis , elicitò oleum igne reverberii. Prolectum oleum rectifica & serva.

OLEUM MYRRHÆ PER DELIQUIUM.

Rx Ova cocta ad duritiem & per medium secta. Vitellis exemptis cava impleto myrrhâ tenuissimè tritâ. Emulas albuminum medietates coadunatas filo ligabis , & craticulâ ligneâ super paropsidem impones. Sinantur in cellâ. Ex myrrhâ liquefcente humor stillabit.

OLEUM CAMPHORÆ.

Rx Camphoræ tritæ , uncias tres.
Mitte in matrarium. Affunde
Spiritus Nitri , uncias sex.
Vase ritè obturato digere ad integram dissolutionem. Liqueorem oleosum supernatantem digere , & habebis oleum Camphoræ vulgò dictum.

Dd ij

BALSAMA.

BALSAMUM FIORAVANTI.

Rx Terebinthinæ Venetæ,	libram unam.
Baccarum recentium Lauri,	uncias quatuor.
Gummi Elemi,	
Tacamahacæ,	ana unciam unam.
Styracis liquidæ,	uncias duas.
Galbani,	
Thuris,	
Myrrhæ,	
Gummi Hederae,	
Ligni Aloës,	ana uncias tres.
Galangæ minoris,	
Caryophyllorum,	
Cinnamomi,	
Nucis Moschatæ,	
Zedoariæ,	
Zingiberis,	
Dictamni albi,	
Aloës foccotorinæ,	
Succini,	ana unciam unam.
Spiritus vini rectificati,	libras sex.

Digerantur omnia simul per novem dies. Tum additâ Terebinthinâ distillentur Balneo cinerum. Prodibit primò liquor limpidus spirituosus, & erit *Balsamum Spirituosum*; secundò oleum flavum, & erit *Balsamum*; tandem oleum rufum aut nigrum, & erit *Balsamum nigrum*.

BALSAMUM SULPHURIS.

Rx Florum Sulphuris,	uncias duas.
Inde matratio. Affunde	
Olei Terebinthinæ,	uncias octo.

Digere igne arenæ ad sulphuris dissolutionem. Oleum rubescet, quod vasis refrigeratis decanta & serua.

Loco olei Terebinthinæ usurpari potest oleum Anisi, Succini, Nucum, & erit *Balsamum Sulphuris anisatum*, aut *succinatum*, aut cum oleo Nucum paratum.

BALSAMUM SATURNI.

Rx Salis Saturni, unciâ octo.
Mitte in matratium, affunde spiritum Terebinthinæ ad eminentiam quatuor digitorum. Digere igne arenæ leni per viginti-quatuor horas, donec colorem exquisitè rubrum acquisierit; liquorem decanta. Superstiti materiæ affunde alterum spiritum Terebinthinæ, digere ut supra, decanta. Liquores misce in cucurbitâ vitreâ; vaporent ad medias. Superstes liquor Balsamum erit Saturni.

BALSAMUM LECTORENSE,

VULGO de *Leitour*.

Rx Oleorum essentialium rectificatorum Lavandulæ,
Terebinthinæ,
Petrolei,
Juniperi,
Caryophyllorum,
ana unciam unam.
Olei essentialis Benzoini per retortam elicitæ, & Balneo-maris rectificati, unciam semissem.
Oleorum Macis,
Nucis Moschatæ, ana drachmas duas.
Camphoræ,
Crocî pulveratorum, ana drachmam unam.
Moschi,
Ambari Cineritii pulveratorum,
Saphyrorum præparatorum, ana drachmam semissem.
Capitum Bufonum præparatorum, drachmas duas.
Mitte in matratium capacissimum ritè obturatum. Digere per quatuor dies calore solis vel ventris equini, singulis diebus quater movendo, & factum erit Balsamum.

D d iij



BUTYRA.


BUTYRUM ANTIMONII.

Rx Reguli Antimonii, unciæ sex.
 Mercurii sublimati corrosivi, unciæ sexdecim.
 Tere in mortario marmoreo. Distilla per retortam vitream brevioris & latioris colli igne arenæ, per gradus augendo. Butyrum Antimonii instar glaciæ egredietur, liquandum admoto carbone candente, si fortè concresecat in collo. Butyrum exceptum rectificabis, & in vase ritè obturato servabis.

Nota. Quod si volueris cum Butyro Antimonii Cinnabarim elicere, Butyrum conficies ex unâ parte Antimonii crudi & duabus sublimati corrosivi, procedendo ut suprà.

BUTYRUM SATURNI.

Rx Aceti Saturni, quantum volueris.
 Misce sensim & agita in mortario marmoreo cum olei Rosacei aut aliûs quantitate sufficienti, ad debitam nutriti consistentiam.



FLORES.

FLORES SALIS AMMONIACI.

Rx Salis Ammoniaci,
 Communis decrepitati, ana quantum volueris.
 Simul pulverata inde retortæ aut cucurbitæ capitello suo

SALUB. FACULTATIS PARISIENSIS. 215
instructæ, subjiciatur ignis primùm lenis, dein augeatur, &
obtinebis flores albos.

Nota, si loco Salis communis Limatura Martis vel Lapis
Hæmatites adhibeantur, præhabitâ digestionem, flores emersuros
Martiales vel *Hæmatiticos*.

FLORES SULPHURIS.

Rx Sulphuris communis contriti, quantum volueris.
Inde cucurbitæ suo capitello vitreo instructæ (vel idoneis
vasculis sibi invicem superpositis, vulgò *Aludels*) igne
arenæ sublima; identidem capitellum renova & flores collige,
donec totum sulphur, relictis in fundo sæcibus, ascenderit.

FLORES BENZOINI.

Rx Benzoini electi crassiusculè contriti, quantum volueris.
Mitte in ollam fictilem desuper ritè adaptato corni-
culo papyraceo in modum capitelli; igne leni fiat sublimatio.
Refrigerato vase & corniculo, flores albos obtinebis singulis
horis colligendos, donec flavi succedant.

FLORES ANTIMONII RUBRI.

Rx Antimonii crudi,
Salis Ammoniaci, ana uncias quatuor.
Tere seorsim. Tum simul mixta inde cucurbitæ terrea.
Apposito capitello vitreo receptaculo instructo, post digestio-
nem igne moderato sublima per duas tresve horas, dum tota
ferè massa ascenderit. Exemptos flores edulca ex aquâ tepidâ
aliquoties renovandâ. Lotiones floribus admixtis trajice per
chartam, & pulverem chartæ insidentem exsicca.

FLORES ANTIMONII NIVEI ET SPLENDENTES.

Rx Reguli Antimonii pulverati, quantum volueris.
Mitte in ollam fictilem non vitratam. Intra vas ad-
move operculum exiguo foramine pervium in centro, & duo-

bus circiter digitis à materiâ subjectâ distans. Tum altero operculo vas obtege. Vas colloca super fornace tali igne subjecto ut liquefiat regulus & incandescat vasis fundum. Horâ transactâ cesset ignis. Refrigerato vase, utrumque remove operculum, & inuenies reguli superficiem floribus nivis instar respersam. His collectis processum supra dictum toties repete, donec totus ferè regulus in flores abierit.

E N S V E N E R I S.

Rx. Vitrioli Veneris optimè reverberati & loti, libram semissem.
 Salis Ammoniacy, libram unam.
 Digere. Sublima secundùm artem, bis vel ter cohobando.
 Flores exceptos flavescentes serua in vase idoneo.

SUBLIMATUS CORROSIVUS.

Rx. Mercurii è Cinnabari redivivi, uncias duodecim.
 Mitte in matratium. Affunde
 Spiritûs Nitri, uncias quatuordecim.
 Impone arenæ tepenti ad absolutam dissolutionem.
 Hanc decapula in cucurbitam vitream. Igne arenæ leni vaporet ad siccitatem. Massam superstitem in mortario marmoreo pulvera. Misce
 Vitrioli ad albedinem calcinati,
 Salis marini decrepitati, ana uncias duodecim.
 Mixturam inde in matratium triplo capacius, quod mediâ sui parte demergatur in arenam. Suppone ignem per gradus ad summum urgendum. Duodecim circiter horarum spatio, mercurius vasis lateribus adhærens sublimabitur.

MERCURIUS SUBLIMATUS DULCIS.

Rx. Mercurii sublimati corrosivi, uncias octo.
 Mercurii crudi è Cinnabari redivivi, uncias sex.
 Sublimatum tere in mortario marmoreo admiscendo identidem mercurium crudum, donèc penitùs fiat inconspicuus.
 Divide

Divide in ampullas igni arenæ superpositas, ignem per gradus augendo sublimationem aggredere. Mercurium post aliquot horas valorum lateribus hærentem exime. Eundem à sordibus separatim tere. Sublima iterùm ex aliis ampullis. Sublimationes sexies saltem repete, aut usquedum sub linguâ nullum corrosionis indicium deprehendatur.

PANACEA MERCURIALIS.

Rx. Mercurii dulcis, uncias sex.
Lævigatum in mortario marmoreo mitte in ampullam vitream capacem arenæ impositam, igne leni primùm, post-hac per gradus augendo sublima. Sublimatione peractâ ampullam refrigeratam frange. Sublimatum facilè exemptum iterùm læviga. Sublima ex aliâ ampullâ, idque septies, sæcibus semper abjectis. Sublimato, lævigato, & cucurbitæ vitreæ indito affunde spiritum vini rectificatum, & aliquot resinosis aromatum partibus imprægnatum, ad quatuor digitorum eminentiam. Digerantur per quindecim dies, massam sæpius in die agitando. Tum vasis refrigeratis, spiritum vini per inclinationem effunde. Panaceam exime & exsicca.

MERCURIUS VIOLACEUS.

Rx. Florum Sulphuris, uncias quatuor.
Mitte in vas terreum. Liquefiant. Remoto ab igne vase sensim adde


Mercurii ex Cinnabari redivivi, uncias sex.

Salis Ammoniaci pulverati, uncias quatuor.

Spathâ ferreâ omnia move & misce. Fluentem adhuc materiam extrahe. Ubi refrixerit, pulvera, & matratio capaci indito. Sublima, igne sensim aucto ad tertium gradum.

Disruptis vasis flores albos exime & rejice. Substratam materiam omnem pulvera, & in matratio iterùm sublima. Idem adhuc bis repete, & habebis massam supernè luteam & levem, infernè verò ponderosam, nigricantem, quandoque violaceam. Hanc portionem super porphyritem læviga, & erit Mercurius violaceus, quem spiritu vini superaccenso edulcorabis.

E e



TINCTURÆ.

TINCTURA MYRRHÆ.

Rx Myrrhæ electæ contritæ , quantum volueris.
Mitte in vas vitratum. Affunde
Spiritum vini rectificatum, ad eminentiam aliquot digi-
torum.

Obturato vase digere igne arenæ per aliquot dies, donec
spiritus vini ritè saturatus fuerit.

Tincturam suo cum magmate serva.

Eodem modo parabuntur

Tincturæ Aloës,

Croci forficibus concisi,

Coccinellæ,

Succini in alkool redacti,

Castorei,

Benzoini,

Storacis,

Balsami Tolutani,

Cinnamomi,

Caryophyllorum Indicorum,

Kinækinæ,

Contrayervæ,

Cascarillæ,

Asari, & similia.

TINCTURA LACCÆ.

Rx Gummi Laccæ recens suis è bacillis exemptæ ,
unciam unam.

Aluminis æsti,

drachmam unam.

Spiritus ardentis Cochleariæ,

uncias octo.

Digere in arenâ donec tinctura rubedine saturata appa-
reat, quam decanta & serva.

TINCTURA MARTIS.

Rx Limaturæ ferri nitidæ, unciæ sex.
 Tartari albi pulverati, libram unam.
 Mitte in ollam ferream capacissimam. Superaffunde
 Aquæ pluvialis, libras duodecim.
 Bulliant omnia per horas duodecim; identidem agita, ad-
 dendo aquam ferventem.
 Ebullitione factâ, quiescant. Supernatans liquor decante-
 tur, filtretur, vaporet in vase terreo vitrato ad consistentiam
 syrupi liquidioris. Tum adde
 Spiritûs vini rectificati, unciam unam.
 Ad mucorem & situm quem illa tinctura citò contrahit
 arcendum, & martis præcipitationem præcavendam. Serva ad
 usum.

TINCTURA MARTIS VOLATILIS.

Rx Florum Salis Ammoniaci Chalybeatorum,
 quantum volueris.
 Spiritûs vini rectificati, quantitatem sufficientem.
 Tincturam extrahe secundum artem.
Simili modo paratur
 Tinctura Hæmatitæ.

TINCTURA AURI,
 SEU AURUM POTABILE.

Rx Auri purissimi, drachmam semissimam.
 Aquæ Regiæ, unciæ duas.
 Fiat dissolutio. Solutioni affundatur
 Olei Essentialis Rorismarini, unciæ una.
 Liquores confusi agitentur, postea reponantur. Subsident
 Aqua Regia flavo colore & auro spoliata: oleum verò Rorif-
 marini flavo colore tinctum & auro imprægnatum supernata-
 bit. Oleum ab Aquâ Regiâ ritè separetur, misceatur cum
 Spiritûs vini rectificati, unciis quinque.
 Digerantur simul in loco tepido per mensem. Mistura pur-
 purascentem colorem acquirat.

Ec ij

TINCTURA SALIS TARTARI.

Rx Salis Tartari, quantum volueris.
 Liquefiat in crucibulo igne acerrimo. Tum in mortarium calens effusum illicò contundatur. Pulveratum mitte in matratium. Affunde spiritum vini rectificatum ad eminentiam. Digere igne arenæ per viginti-quatuor horas, vase ritè obturato. Tincturam rubicundam decanta.

TINCTURA CORALLIORUM.

Rx Fragmenta Coralli rubri, quot volueris.
 Superaffunde
 Spiritus Mellis, quantitatem sufficientem.
 Digere ex arenâ ; Tincturam decanta. Eidem Corallio alterum affunde spiritum Mellis ; digere, decanta ut suprâ. Hæc toties repete, dum Corallium album appareat. Tincturæ omnes misceantur, & vaporent ferè ad siccitatem. Extracto superstiti affunde spiritum vini rectificatum ; & digere, donec rubicundissimus liquor extrahatur, qui ad medias circiter vaporet ut tenuissimi olei speciem præbeat.

TINCTURA STOMACHICA.

Rx Cinnamomi acuti, uncias duas.
 Caryophyllorum,
 Nucis Moschatæ,
 Croci, ana unciam unam.
 Macis, unciam semissem.
 Calami aromatici, drachmas sex.
 Corticem exteriorem recentem Citreorum numero, quatuor.
 Arantiorum amarorum numero, duorum.
 Contundenda contundantur, incidantur incidenda, & infundantur in
 Aquæ vitæ optimæ, libris quatuor.

Identidem agitando per aliquot dies ut extrahatur tinctura
usui servanda.

ELIXIR PROPRIETATIS.

Rx Myrrhæ electæ,
Aloës pulveratarum,
Crocî minutim concisi, ana uncias duas.
Mitte in matratium. Affunde
Spiritus vini rectificati, libram unam &
duodecim uncias.

Obturato vase digere igne arenæ per quadraginta dies,
identidem vas agitando. Tincturam decanta & serva.

Si prædicta tinctura distillatur, exurget Elixirium Proprie-
tatis album. Vel loco Spiritus vini suppleri potest aqua Cin-
namomi hordeata, undè exurget tinctura, quæ distillata dabit
alterum Elixirium Proprietatis album.

ELIXIR PROPRIETATIS CUM ACIDO.

Superstiti materiæ elixirii præcedentis affunde
Spiritus Sulphuris, uncias tres.
Digere per aliquot dies igne arenæ. Tum adde
Elixirii sine acido, uncias duodecim.
Iterum digere per decem dies. Tincturam decanta &
serva.

ELIXIRIUM STOMACHICUM.

Rx Spiritus Carminativi sylvii, uncias tres.
Aquæ Cinnamomi,
Florum Arantiorum, ana unciam unam.
Spiritus Menthæ, uncias quinque.
Tincturæ Absinthii, uncias quatuor.
Misce, fiat Elixirium.

Ee ij.

Aquæ ferventis, libras duas.

Infundantur per horæ quadrantem, addendo

Spiritûs Vitrioli, guttas decem.

Cola ad usum. Addi potest vel syrupi cujuscumque vel sacchari quantitatem sufficientem pro lubitu.

TINCTURA LAVANDULÆ,

VULGO AQUA VITÆ LAVANDULÆ.

Rx. Summitatum floridarum Lavandulæ marcidarum, quantum volueris.
Mitte in matratium. Superaffunde aquam vitæ ad eminentiam quatuor digitorum. Vas obtura, digere ad solem & serya.

Simili modo preparantur

Tincturæ Rorismarini,

Salviæ,

Florum integrorum Coronæ folis,

Arantiorum,

Baccarum Juniperi.

TINCTURA ABSINTHII.

Rx. Summitatum floridarum Absinthii ficcatarum, à stiptibus mundatarum, uncias quatuor.
Spiritûs vini rectificati, libram unam semis.
Digere igne leni per dies aliquot. Expressione factâ, adde alteras Absinthii summitates. Digere ut suprâ. Cola & serya.

Simili modo parantur

Tincturæ Scordii,

Rutæ,

Florum Hyperici,

Lavandulæ.

LIQUOR CORNU CERVI SUCCINATUS.

Rx. Spiritûs volatilis Cornu Cervi rectificati, quantum volueris.

Adde per vices

Salis volatilis Succini, quantitatem sufficientem.
ad punctum saturationis.

Digerantur per biduum in vase clauso Balneo-maris, & ferva.

LILIUM PARACELSI.

Rx. Regulorum Veneris,
 Jovis,
 Antimonii martialis, ana uncias quatuor.

Pulverati & mixti simul liquefiant in regulum. Huic pulverato admisce

Nitri purissimi, ana libram unam
Tartari pulveratorum, ana & uncias duas.

Projice per vices in crucibulum & detonent. Tum igne vehementissimo liquentur: materiam ex crucibulo extractam pulvera; quam adhuc calentem mitte in matratium, & illicò superaffunde

Spiritus vini rectificati, sufficientem quantitatem.

Digere per aliquot dies igne arenæ, & saturata tinctura eliciatur.

ACETUM SATURNI ET SAL.

Rx. Plumbi albi lavigati, quantum volueris.
Inde in vas vitreum; affunde
Acetum, ad eminentiam.

Effervescentiâ peractâ, digere igne arenæ per tres dies identidem agitando, liquorem decanta. Superstiti materiæ affunde acetum, digere, decanta ut suprâ; idque toties, donec acetum non ampliùs dulcescat.

Liquor primò decantatus est acetum Saturni.

Sal ut obtineas, liquores omnes decantati vaporent lento igne ad pelliculam, & in loco frigido repositi in crystallos concrecant; evaporationem & crystallifationem repete, dum sal omne exhaustum fuerit. Crystallos omnes sicca & ferva: quæ ut niteant & albescant magis, dissolvantur aceti distillati & aquæ anaticâ quantitate. Vaporent, & denuò crystallos concrecant.

SALIA

S A L I A.

SALIA ESSENTIALIA.

Rx. Plantæ cujusvis virentis, quantum volueris.
Concisam & contusam subijce torculari; exprime suc-
cum, trajice per manicam, vaporet ad quartam circiter por-
tionem liquoris superstitem. Quiescat in cellâ, donec con-
crescant crystallo. Collige. Evaporationem & crystallifationem
repete, donec omnes crystallos exhauseris.

Nota, herbas viscosas igne leni emolliendas esse, antequam
prælo committantur; atque etiam siccores ex aquæ sufficienti
quantitate elixandas.

Non ab simili modo Salia Essentialia præparantur ex succis
fructuum.

SALIA FIXA ACIDA.

GILLA VITRIOLI.

Rx. Vitrioli albi pulverati, uncias quatuor.
Dissolutum in aquâ filtra. Vaporet igne arenæ in vase
vitreo ad pelliculam. Tum repone ad crystallifationem.

VITRIOLUM CALCINATUM ET COLCOTHAR.

Rx. Vitrioli viridis, quantum volueris.
Calcinetur in vase fictili, novo, non vitrato; evadet
massa ex albo cineritia, & erit *Vitriolum ad albedinem calci-*
natum.

Si intentiori igne urgeatur, colorem induet rubrum, & erit
Colcothar.

Nota, quod æstivo tempore sub æstuantis solis ardore Vitriolum calcinari potest, tumque sumitur Vitriolum Romanum, & sic præparatum dicitur vulgò *Pulvis Sympathicus*.

SAL VITRIOLI

Rx Colcotharis, libras sex
 Affunde
 Aquæ ferventis, quantum satis.
 Stent per diem, sæpiùs agitando. Bulliant parùm. Quietè subsideant. Decanta. Alteram aquam affunde. Digere, decanta ut suprà, idque pluries, donec aqua insipida superet.
 Solutiones omnes misce, cola per chartam bibulam. Vaporent ad siccitatem ex arenâ. Sal residuum serva.

SAL MARTIS RIVERIL

Rx Spiritûs vini rectificati, libram semissem.
 Olei Vitrioli, uncias quatuor.
 Commixta repone per dies aliquot in sartagine ferreâ inexpertâ ad concretionem & siccitatem salis emerfuri, quod abrafum serva.

SAL VEL VITRIOLUM MARTIS.

Rx Limaturæ ferri, libram unam.
 Aquæ communis, libras quatuor.
 Spiritûs Vitrioli, libram unam semissem.
 Mitte in matrarium amplum. Stent ad ignem arenæ per viginti-quatuor horas, sæpiùs agitando. Decanta. Filtra. Vaporet liquor in balneo sicco ad pelliculam, tandem in loco frigido concrefcant crytalli.
 Collectis crytallis, reperantur decantatio, filtratio, evaporatio, concretio, donec nullæ fiant crytalli.

CRYSTALLI LUNÆ.

Rx Argenti purissimi vulgò *de coupelle*, uncias duas.
 Solve in
 Spiritûs Nitri optimi, unciis sex.
 Fiat evaporatio igne leni ad quartæ partis consumptionem.
 Repone ad crySTALLISATIONEM; repete donec crySTALLOS omnes
 exhausseris.

LAPIS INFERNALIS.

Rx CrySTALLORUM lunæ, quantum volueris.
 Mitte in crucibulum germanicum amplum; leni igne
 tumet primùm materia, tum subsidet, dein aucto igne instar
 olei liquefcit. Effunde in modiolum fusorium (gallicè *lingo-
 tiere*) priùs calefactum seboque litum. Concreta massa exi-
 matur & servetur in vase ritè obserato & loco sicco.

SAL SULPHURIS.

Rx Salis Polychrestî, semilibram.
 Mitte in cucurbitam vitream. Solve in
 Aquæ communis, quantitate sufficienti.
 Affunde
 Spiritûs Sulphuris, uncias quatuor.
 Filtra mixturam; vaporet igne lento in arenâ ad siccita-
 tem. Materia superstes erit Sal Sulphuris.

SAL PRUNELLÆ,
 SEU CRYSTALLUS MINERALIS.

Rx Nitri puri, libras quatuor.
 Mitte in crucibulum igni impositum; Nitro lique-
 facto, injice per vices
 Florum Sulphuris, unciam unam.
 Desfragatione peractâ, crucibulo parùm refrigerato, Ni-
 trum in pelvim effunde, continuò versandam ut expandatur.
 Exemptum serva.

Ff ij

ALUMEN TINCTUM.

Rx Aluminis rupei, unciâs duas.
Sanguinis Draconis, unciâs unam.

Liquefiat Alumen in scutella super prunas. Illicò adde Sanguinem Draconis tenuissimè pulveratum. Agita suprà ignem lentum, donec ritè misceantur. Refrigeratam massam serua.

Vel ex eâdem adhuc calente formentur pilulæ.

SALIA ALKALIA.

SAL TARTARI.

Rx Tartari albi crudi triti, quantum vis.
Corniculis papyraceis madentibus include; fiat stratum super stratum cum carbonibus. Igne aperto calcina ad albedinem. Ex massâ calcinatâ fiat lixivium, filtra, vaporet ad siccitatem.

OLEUM TARTARI PER DELIQUIUM.

Rx Salis Tartari, quantum vis.
Exceptum paropside fictili reponere in loco humido; faceffet in liquorem, quem filtratum serua, & erit Oleum Tartari per deliquium.

NITRUM FIXATUM.

Rx Nitri purissimi, libram unam.
Liquefcat in crucibulo capaci. Projice
Carbonis pulverati, cochlear unum.

Peractâ detonatione alterum cochlear projice. Repete, donec Nitrum nec ampliùs fluat, nec detonet. Nitrum adhuc calens è crucibulo exemptum aquâ calente solve, filtra, va-

SALUB. FACULTATIS PARISIENSIS. 229
poret ad siccitatem, & obtinebis Nitrum Fixatum: quod quidem sal in cellâ vinariâ liquatum colliquescit in humorem, qui filtratus Glauberi *Alkaest* dicitur.

NITRUM EX TARTARO FIXUM.

Rx. Nitri depurati, ana
Tartari crudi pulveratorum & exsiccatorum, quantum volueris.
Misce in mortario ferreo. Materiam accende carbone candente. Factâ detonatione massam solve in
Aquæ communis, quantitate sufficienti.
Filtrâ, vaporet ad siccitatem; idque in cellâ liquatum Helmontii *Alkaest* esse perhibent.


LAPIS CAUSTICUS.

Rx. Cinerum clavellatorum, libras duas.
Calcis vivæ, libram unam.
Mitte in vas idoneum. Paulatim affunde
Aquæ ferventis, libras sexdecim.
Fiat lixivium. Cola per chartam emporeticam fultam linteo. Colatura vase æneo excepta vaporet igne aperto ad siccitatem. Calcina in crucibulo, donec in fluorem oleaginosum abeat. Tum massa in patinam vel marmor calidum effusa, lentescens adhuc in frustula secetur; diligenter in vase vitreo ritè obturato & loco sicco reponatur.

SALIA LIXIVIALIA.

Rx. Herbarum virentium & maturarum cum stipitibus, quantum volueris.
Comburantur in cineres; ex iis ad albedinem calcinatis fiat lixivium per horas viginti-quatuor digerendum. Filtrâ, vaporet ad siccitatem. Solve ex aquâ purâ. Filtrâ, vaporet iterùm ad siccitatem; sic sal magis nitet.

F f iij



SALIA NEUTRA.

TARTARUS SOLUBILIS,
SAL VEGETABILE DICTUS.

Rx. Salis Tartari, uncias sex.
Dissolve in
Aquæ communis calentis, libris quatuor semis.
Tum adde
Cremoris Tartari tenuissimè pulverati circiter,
uncias duodecim, scilicet ad punctum saturationis.
Bulliant leviter. Liquorem refrigeratum cola. Vaporet ad
siccitatem vel ad pelliculam ut crytalli concrecant.

TERRA FOLIATA TARTARI.

Rx. Salis Tartari purissimi, uncias duas.
Inde in cucurbitam vitream. Affunde
Spiritus Aceti acerrimi, uncias octo vel
ad punctum saturationis.
Vaporet vel distilletur ad siccitatem. Prohibet liquor insi-
pidus. Iterùm affunde
Spiritus Aceti, quantum sufficit ad punctum saturationis.
Distilla iterùm, & repete eundem processum, donec liquor
acidus prodeat. Tunc massam superstitem solve in
Spiritus vini, quantitate sufficienti.
Filtrà, vaporet ad siccitatem. Solutionem & evaporatio-
nem repete, donec materia supersit sicca, alba, foliacea.

PANACEA ANTIMONIALIS.

Rx. Butyri Antimonii rectificati, libram semissem.
Crystallorum Tartari pulveratorum, libram unam.
In matratio permixtis affunde
Aquæ communis, libras sex.

Bulliant simul per horas octo ; partitis vicibus instilla

Olei Tartari per deliquium, libram unam.

Ebullitione sedatâ , calidus filtretur liquor. Vaporet ad siccitatem. Repone in cellâ , liquefiat. Filtratam liquorem in vase obturato reconde.

TARTARUM CHALYBEATUM.

Rx Tartari albi crudi pulverati, libram unam.
Limaturæ ferri præparatæ, uncias quatuor.

Misce. Bulliant in

Aquæ communis circiter, libris duodecim.

Soluta Tartaro liquorem calidè filtra per manicam. Repone in cellâ ut crystalli concrecant. His exemptis bulliat iterùm liquor, vaporet ad pelliculam, procede ut supra, donec omnes crystallos obtinueris.

TARTARUM CHALYBEATUM SOLUBILE.

Rx Tartari solubilis, uncias quatuor.
Tincturæ Martis, libram unam.

Vaporent simul igne arenæ in vase terreo vitrato ad siccitatem. Residuum sal in vase ritè obturato serua.

TARTARUS VITRIOLATUS.

Rx Olei Tartari per deliquium, quantum vis.
Inde in cucurbitam vitream. Affunde guttatim spiritum vitrioli rectificatum & limpidum ad punctum saturationis. Sedatâ effervescentiâ fiat evaporatio igne leni ad pelliculam. Repone in cellâ ut crystalli concrecant. Liquorem effunde, vaporet denuò ad pelliculam, addendo priùs nonnihil Salis Tartari. Repone ut concrecant novi crystalli. Et crystallos omnes collectas aquâ leviter ablutas exsicca & serua ad usum. Nec Tartarus vitriolatus seruetur in officinis nisi crystallisatus.

SAL POLYCHRESTUM.

Rx. Nitri pulverati, libras duas.
 Florum Sulphuris, libram unam.

Mixta per vices projice in crucibulum candens, nec nova projiciatur materia, quin prior profus deflagrata sit. Absolutâ deflagratione per horam ignem urge. Massam refrigeratam & ex aquâ calente solutam filtra. Vaporet ad pelliculam, & crystallos ex arte para. Servetur etiam illud sal in officinis crystallifatum. Crystallorum enim figura salis indolem indicant.

SAL DE DUOBUS,
SIVE ARCANUM DUPLICATUM.

Rx. Nitri, ana partes æquales.
 Vitrioli viridis, ana partes æquales.

Calcina igne aperto usquedum materia Colcotharis colorem induerit, & nulli vapores exhalent. Tum solve in

Aquæ ferventis, sufficienti quantitate.

Filtera, vaporet ad pelliculam ut crystallos albæ concrecant.

Nota, si virides sint crystallos, eas iterum calcinationi subijciendas esse.

SAL MIRABILE.

Rx. Salis marini ex aquâ soluti & repurgati, libram unam.
 Olei Vitrioli, uncias duodecim.

Misce in vase idoneo, & distillentur ex arenâ; prodibit spiritus salis valentissimus. Massam in retortâ superstitem exime, & calcina igne aperto, donec nulli fumi percipiuntur. Affunde aquam ferventem, & filtra. Solutio vaporet ad pelliculam. Tum quietè in crystallos concrecat.

NITRUM

NITRUM ANTIMONIATUM.

Rx. Lotiones Antimonii diaphoretici.
Vaporent ad siccitatem vel ad pelliculam, si crystallos volueris; & erit Nitrum Antimoniatum, sive Sal Polychrestum stibiatum.

SAL FEBRIFUGUM SYLVII.

Rx. Materiae superstitis à distillato spiritu volatili Salis Ammoniaci cum Sale Tartari, unciis octo.
Solve in
Aquæ calentis, sufficienti quantitate.
Filtrâ. Evaporatio fiat ad pelliculam. Reponatur ad crystallationem. Habebis Sal Febrifugum.

SAL ET MAGISTERIUM CORALLIORUM.

Rx. Coralliorum rubrorum pulveratorum, quantum volueris.
Mitte in matratium. Affunde Spiritum Aceti ad eminentiam quatuor digitorum. Peractâ effervescentiâ digere ex arenâ per duos tresve dies, liquorem decanta; filtra; fiat evaporatio ad siccitatem igne lenissimo, & Salem habebis; Magisterium verò, si mediante oleo Tartari ad quantitatem sufficientem, præceptis fiat pulvis albiſſimus aquâ communi dulcorandus multoties, tumque siccandus.

Simili modo parari possunt

Magisteria & Salia Oculorum Cancrorum,
Margaritarum,
Matris Perlarum.

SAL SATURNI.

Vide ACETUM vel SAL SATURNI, pag. 224.

LAPIS DIVINUS SEU OPHTALMICUS,


Rx. Vitrioli cærulei Cyprini nitidi,
 Nitri,
 Aluminis rupei, ana uncias sex.
 Exactè pulverata & mixta inde in matratio: liquefiant ex
 arenâ. Liquefactis adde
 Camphoræ pulveratæ, drachmas duas.
 Massa refrigerata effracto vase extrahatur & servetur.

LAPIS MEDICAMENTOSUS.

Rx. Vitrioli ad rubedinem calcinati, uncias duas.
 Lithargyri,
 Boli Armenæ,
 & Aluminis, ana uncias quatuor.
 Impositis in ollâ fictili vitratâ affunde
 Aceti acerrimi,
 quantum satis ad supereminentiam duorum digitorum.
 Vase obturato macerentur per duos tresve dies, identidem
 materiam agitando. Tum adde
 Salis Nitri, uncias octo.
 Salis Ammoniaci, uncias duas.
 Coque igne lento ad exsiccationem. Massam exsiccata
 superstitem calcina igne vehemente per horam. Exime & ser-
 va ad usum.

TARTARUS EMETICUS.

Rx. Vitri Antimonii,
 Croci metallorum, ana libram semiffem.
 Cremoris Tartari, libram unam.
 Fiat pulvis. Inde in ollam fictilem vitratam cum sufficienti
 quantitate aquæ. Bulliant per horas duodecim, addendo identi-
 dem aquam ferventem. Calens liquor filtretur. Vaporet ad fici-
 tatem.



C R O C I.

CROCUS MARTIS,
VULGO APERIENS.

Rx. Limaturæ ferri, quantum volueris.
Rori mañali exponatur, vel aquâ pluviali identidem
irretetur, donec in rubiginem facessat, supra porphyritem
lavigandam.

CROCUS MARTIS,
VULGO ASTRINGENS.

Rx. Limaturæ ferri, quantum vis.
In ollâ terreâ igne reverberii continuò per plures ho-
ras calcinetur, donec in pulverem rubicundum abierit, qui
multoties aquâ ablutus & exsiccatu lavigetur.

GLOBULI MARTIALES.

Rx. Limaturæ ferri præparatæ, partem unam.
Tartari albi pulverati, partes duas.
Misce in cucurbitâ; affunde aquam vitæ ad eminentiam
digiti; radiis solaribus vel Balneo-maris digere ad ficitatem.
Massæ exsiccatæ & pulveratæ iterum aquam vitæ affunde.
Digere ut supra, idque toties repete, donec massa exsiccata
quasi resinosa appareat. Ex hac massâ globulos efformabis ad
ovi magnitudinem.

KERMES MINERALE.

Rx. Antimonii Hungarici in frustula effracti, libras quatuor.
Nitri fixati, libram unam,
G g ij

Aquæ pluvialis, libras octo.

Inde in vas fictile vitratum : bulliant per horas duas igne æquali & moderato. Liquoris ferventis duos trientes filtra. Tertio superstiti affunde

Aquæ pluvialis ferventis, libras quinque.
Nitri fixati, uncias duodecim.

Bulliant ut supra. Filtra iterum duos liquoris trientes. Tertio adhuc superstiti affunde

Aquæ pluvialis ferventis, libras quinque.
Nitri fixati, uncias octo.

Bulliant ut supra. Totum liquorem filtra. Misce in vase terreo omnes filtratos liquores. Quiescant per viginti-quatuor horas ; liquor decanetur. Pulvis residuus rubens super papyro emporeticâ expansus edulcetur affusâ identidem aquâ, donec insipida exudet. Pulvis exsiccatus mittatur in fictile, cui affusa spiritus vini rectificati sufficiens quantitas accendatur, ut artis est ; quod bis repetendum.

ÆTHIOPS MINERALIS.

Rx. Mercurii crudi è Cinnabari redivivi, unciam unam.
Florum Sulphuris, uncias duas.

Tere in mortario vitreo pistillo vitreo, donec mercurius fiat inconspicuus, & pulvis intensè nigrescat.

CINNABARIS ANTIMONII.

Rx. Massam superstitem ex Butyro Antimonii cum unâ parte Antimonii crudi & duabus sublimati corrosivi confecto.

Retortâ receptaculo suo instructâ exceptam urgebis igne arenæ, donec in Cinnabarim evehatur, quæ collo adhærens detrahetur ; ex aquâ elue ; tum novâ sublimatione rectificata fervabitur.

CINNABARIS FACTITIA.

R. Florum Sulphuris, libram semissem.
Liquefiant in patellâ terreâ super carbonibus. Statim
adde

Mercurii ex corio depluentis,
libram unam cum dimidiâ.

Agita perpetuò spathâ ferreâ, donec ambo cocant & mercurius penitus fiat inconspicuis. Massam hanc pulveratam in mortario vitreo, sublima in vase idoneo igne aperto per gradus aucto. Sublimationem semel & iterum repete.



MAGISTERIA.

MAGISTERIUM SULPHURIS.

R. Florum Sulphuris, uncias quatuor.
Salis Tartari, uncias duodecim.

Mixta inde fictili vitrato. Affunde

Aquæ puræ, libras octo.

Vase cooperto bulliant, donec liquor rubescat. Solutionem filtra. Instilla acetum distillatum, & fiat Lac Sulphuris. Stet, præceps agetur pulvis albus, liquorem limpidum decanta. Magisterium hinc emergens aquâ purâ multoties elue, & in umbrâ exsicca. Quod etiam Lac Sulphuris dicitur.

SULPHUR AURATUM ANTIMONII.

R. Scorias Reguli simplicis Antimonii.
Coque in aquâ uberrimâ per semihoram. Filtra. Colaturæ instilla acetum, & præcipitabitur Sulphur Auratum, quod pluries abluendum est.

G.g iij.

RESINA JALAPÆ.

Rx. Jalapæ contusæ, libram unam.
 Spiritûs vini rectificati, libras tres.

Digere ex arenâ per viginti-quatuor horas. Filtra. Superstiti materiæ novum affunde spiritum vini. Digere ut suprâ. Filtra. Repete, donec nullo colore tinctus spiritus vini extrahatur. Tincturæ misceantur. Vaporent ad medias. Inde in aquam frigidam projiciantur. Lactescet mixtura, & præceptus fiet Magisterium. Liquorem decanta. Magisterium aquâ ablue multoties. Exsicca & serva.

Simili modo parantur

Resinæ Agarici,	Guayaci,
Colocinthidos,	Ligni Aloës,
Scammonii,	Zedoariæ,
Turpethi,	Ladani, &c.
Mechoacan,	

MERCURIUS PRÆCIPITATUS ALBUS.

Rx. Mercurii è Cinnabari redivivi, uncias quatuor.
 Spiritûs Nitri, uncias sex vel
 sufficientem quantitatem.

Mercurium mitte in matrarium. Affunde Spiritum Nitri. Absolutâ dissolutione

Rx. Aquæ communis, libram unam.
 Salis marini, uncias duas.

Filtra. Hanc affunde dissolutioni Mercurii, fiet præcipitatio, cui ut absolvatur adde

Aquæ communis, libram unam.

Præcipitato Mercurio in pulverem album, liquorem decanta, repetitis ex aquâ purâ lotionibus pulverem edulca in umbrâ siccandum.

PRÆCIPITATUS RUBER.

R Mercurii è Cinnabari rediyivi, libram unam.
 Spiritus Nitri, uncias octodecim vel
 quantitatem sufficientem.

Mitte in matrarium. Arenæ tepenti impone. Dissolutione peractâ fiat evaporatio ad siccitatem. Carbonibus vivis materiam calcina ad rubedinem intensam. Exime & serva.

ARCANUM CORALLINUM.

R Mercurii præcipitati rubri, quantum vis.
 Calcina in matrario per aliquot horas, dum matrarium excandescat. Remove ab igne. Materix pulveratæ affunde spiritum vini rectificatum ad eminentiam transversî digiti. Accende. Hæc sæpius repete, sicut singulis vicibus spiritus vini ad siccitatem deflagret.

MERCURIUS PRÆCIPITATUS FLAVUS,
SEU TURPETHUM MINERALE.

R Mercurii è Cinnabari rediyivi, uncias duas.
 Olei Vitrioli rectificati, uncias sex.
 Mercurium mitte in retortam. Affunde oleum Vitrioli. Vas impone igni arenæ, dum bulliat liquor; peractâ dissolutione vaporet ad siccitatem, aucto igne. Materiam exemptam tere in mortario vitreo, tritam conjice in aquam calentem. Præcipitatum pulverem flavum aquæ lotionibus repetitis edulca, sicca & serva.

MERCURIUS PRÆCIPITATUS VIRIDIS.

R Mercurii è Cinnabari rediyivi, uncias duas.
 Cupri limaturæ, semiunciam.
 Scorsim dissolve in
 Aquæ fortis; quantitate sufficienti.

REGNUM

Dissolutionibus mixtis abstrahe aquam fortem. Igne aucto materiam calcina. Exemptam & pulveratam in aceto distillato digere igne arenæ per unum & alterum diem. Ultimò bulliat acetum per unam circiter horam. Filtra. Materiæ superstiti novum acetum distillatum adde. Digere ut supra & filtra. Liquores filtrati mixti vaporent ad mellaginis consistentiam, quæ refrigerando indurata in vase vitreo clausa servabitur.

MERCURIUS PRÆCIPITATUS PER SE.

Rx. Mercurii è Cinnabari redivivi, quantum vis.
Inde pluribus ampullis fundo planis eâ quantitate ut unius cujusque ampullæ fundus tantummodo obtegatur. Ex arenâ digere, igne sensim per gradus aucto per mensem & ultra, dum veluti bulliat, & pulverem subrubrum obtineris. In mercurium superstitem, superiorem processum repete, donec omnis Mercurius in pulverem rubieundum abierit.

PULVIS ALGAROTH, SEU MERCURIUS VITÆ.

Rx. Butyri Antimonij rectificati; quantum vis.
Affunde
Aquæ repentis, quantitatem sufficientem.
Præcipitabitur pulvis albus qui improprie Mercurius vitæ dicitur, alterâ aquâ pluries edulcandus, tum siccandus.

MAGISTERIUM ET SAL CORALLIORUM.

Vide *SAL ET MAGISTERIUM CORALLIORUM.*



REGULI



REGULI.

REGULUS ANTIMONII.

Rx Antimonii crudi, libram unam.
Tartari crudi, uncias duodecim.
Nitri puri, uncias sex.

Seorsim & tenuissimè trita, mixtaque in crucibulum candens cochleatim injice, singulis vicibus detonent cooperto crucibulo. Omni detonatione peractâ augeatur ignis, donec fluida fiat materia. Hanc fluentem in conum ferreum calefactum illitumque sebo effunde. Concute conum. Solidescet materia. Regulum exime à scoriis separandum ictu mallei.

REGULUS ANTIMONII MARTIALIS.

Rx Apicum clavorum ferreorum, uncias octo.
Antimonii Hungarici pulverati, libram unam.
Clavi candesciant in crucibulo, Antimonium mitte in crucibulum. Liquefiant. Projice paulatim in fusam massam Nitri, uncias tres.

Ad fusionem perficiendam. Tum in conum sebo illitum & calefactum materiam effunde. A scoriis Regulum separa. Teratur. Liqueatur additis

Nitri, unciis tribus.
Antimonii pulverati, unciis duabus.
Id quod semel & iterum repete, omisso Antimonio.


REGULUS JOVIS.

Rx Stanni Anglicani optimi, uncias tres.
Reguli Antimonii triti, uncias duas.
Liquefiat Regulus in crucibulo. Tum injice Stannum. Ma-
Hh

teriam liquatam statim effunde in conum fusorium sebo litum, ut abeat in Regulum.

REGULUS VENERIS.

Rx Cupri vulgò de Rosette,
Reguli Antimonii triti, ana uncias tres.
Cuprum in frustula divisum excandescat in crucibulo:
tum injice Regulum. Materiam liquatam effunde in conum
fusorium sebo litum, ut abeat in Regulum.



CALCES ET CALIFORMIA:

ALUMEN USTUM.

Vide. *ALUMINIS USTIO, ET SPIRITUS, ET PHLEGMA ALUMINIS.*

PLUMBUM USTUM,

SEU CALX PLUMBI.

Vide. *CALCINATIO PLUMBI.*

CERUSSA ET PLUMBUM

CALCINATUM ALBUM.

Rx Saturni in tenues lamellas producti, quantum volueris.
Suspende ad perpendiculum intra vas fiatile vitratum,
in cujus fundo fuerit acetum acerrimum fervens. Hujus vapore
solum madeant. Obrurato vase digerantur in fimo equino per
tres septimanas. Saturnum pulvere albo efflorescet. Pulverem
à lamellis abraade, qui erit vera Cerussa. Processum repete, si
lubet; si verò omisâ abrasione lamellæ penitus calcinatae fue-
rint, ita ut albæ remaneant & fragiles. Habebis Saturnum
calcinatedum album.

ANTIMONIUM DIAPHORETICUM.

R Reguli Antimonii, semilibram.
Nitri purissimi, sesquilibram.

Pulverata misce. Cochleatim injice in crucibulum candens, singulis vicibus detonent. Peractâ omni detonatione augeatur ignis per duas circiter horas. Iis elapsis auferatur massa alba adhuc calens. Refrigerata tundatur in pulverem edulcorandum aquæ frigidæ lotionibus pluries repetitis, donec aqua nullo sapore imbuatur.

BEZOARDICUM MINERALE.

R Butyri Antimonii rectificati, uncias duas.
Spiritus Nitri optimi, uncias sex.

Misce. Ternis cohobis distilla. Calcina materiam per semihoram. Aquâ abluè & sicca, serva ad usum.

MAGNESIA ALBA.

R Aquæ Matris Nitri, quantum vis.
Vaporet ad siccitatem. Materiam superstitem calcina, & in pulverem redactam multoties abluè aquâ tepidâ usquedum penitus insipida evaserit. Tum sicca & serva.

ANTIHECTICUM POTERII.

R Reguli Antimonii Martialis, ana unciam unam.
Stanni Anglicani, ana unciam unam.

Liquefiant simul in crucibulo. Refrigerata comminue in pulverem tenuem. Adde

Nitri purissimi, uncias sex.

Simul contrita detonent in crucibulo per vices, & calcinentur ut in Antimonio Diaphoretico factum est. Materiam calcinatione ex cinereo albescentem projice in aquam calentem, post sex horas renovandam. Repete lotiones dum aqua insipida superfit. Exsiccatum pulverem serva ad usum.

Hh ij

AURUM FULMINANS.

Rx. Auri limati, drachmam unam.
 Mitte in matratium. Affunde
 Aquæ Regiæ recens factæ, unciam semissem.
 Pone in arenâ. Ebullitione peractâ dissolutionem decanta.
 Si quid auri supersit quod non sit solutum, affunde
 Aquæ Regiæ, quantitatem sufficientem
 Ad absolvendam dissolutionem. Solutionibus mixtis decu-
 plum aquæ calentis adjiciatur; dein instilla guttatim
 Olei Tartari per deliquium, quantitatem sufficientem.
 Fiet effervescentia cum præcipitatione. Sine residere liquo-
 rem, & effunde per inclinationem. Pulverem in fundo præ-
 cipitem aquâ tepidâ ablue, donec insipida evaserit, & exsicca.

TERRA DULCIS VITRIOLI.

Rx. Colcotharis, quantum volueris.
 Infunde per aliquot horas in
 Aquæ calentis, sufficienti quantitate.
 Leviter bulliat; sine requiescat, decanta. Alteram aquam
 superaffunde; bulliat ut supra. Decanta. Idque repete, donec
 aqua insipida evaserit. Materia superstes exsiccata nuncupatur
Terra dulcis Vitrioli.

MAGNES ARSENICALIS.

Rx. Antimonii Hungarici,
 Sulphuris flavi,
 Arsenici crySTALLINI pulveratorum, ana uncias duas.
 Mixta omnia cucurbitulâ vitreâ excipiantur, igneque are-
 næ moderato in magnesiâ colliquecant, quæ refrigerata
 fervetur.

ÆRUGO,
SIVE VIRIDE ÆRIS.

Rx Laminas Cupri, quot volueris.
Stratum super stratum cum vinaceis stent donec æru-
gine efflorescant, quam absterge & serua.



VITRA.

VITRUM ANTIMONII.

Rx Antimonii pulverati, libram unam.
In ollâ fictili non vitratâ calcina igne leni in cinereum
pulverem, spatha indefinenter movendo. Hunc pulverem
mitte in crucibulum, & igne follium colliqua. Fusam materiam
suprà patinam aneam effunde. Conerescet in vitrum Hyacin-
thinum, si benè successerit operatio.

HEPAR ANTIMONII.

Rx Antimonii crudi,
Nitri pulveratorum, ana quantum volueris.
Misce in mortario ferreo, tum injectâ prunâ fiat detona-
tio; refrigeratâ materiâ, Hepar à scoriis separabitur.

CROCUS METALLORUM.

Rx Hepatis Antimonii tenuissimè triti, quantum volueris.
Aquâ calente abluc dum insipida materia superfit.

FINIS.

Hh iij



OMISSA ADDENDA SUO LOCO.

DIACRYDIUM CYDONIATUM.

Pag. 3. post DIACRYDIUM GLYCYRRHISATUM.

Scammonium pulveratum indatur cydonio malo excavato, quod pastâ farinaceâ obductum in furno vel sub cineribus secundum artem assetur : postea exceptum Scammonium usui fervetur.

Observandum est Scammonium juxta leges electum in pluribus compositionibus catharticis, his correctionibus non indigere. Quandoquidem in illis plurima adhibentur medicamenta, quibus Scammonii violentia retunditur.

CLARIFICATIO SERI LACTIS.

Pag. 6. post MODUM PARANDI SERUM LACTIS.

Serum lactis paratum, ut dictum fuit, turbidum est adhuc & albicans ob plurimas caseosas partes in liquore superstites. Ut igitur limpidum fiat serum, bulliat cum Cremoris Tartari drachmâ semi pro singulis seri libris, agitetur cum ovi albumine, & fiat colatura ; quæ quidem, si non sit perfectè limpida, per chartam bibulam trajiciatur.

DECOCTUM ANTIVENEREUM LAXANS.

Pag. 16. post DECOCTUM SUDORIFERUM.

Rx Rasuræ Ligni Guaiaci,
 Radicis Sarsaparillæ minutim sectæ, ana unciam unam.
 Radicis Chinæ per taleolas incisæ,
 Ligni Sassafras assulatim secti,
 Polypodii Querni, ana unciam semissem.
 Foliorum Orientalium, drachmas tres.
 Rhei electi minutim concisi,
 Glycyrrhiæ rasæ & contusæ, ana drachmas duas.
 Seminis Coriandri, drachmam unam.
 Nitri purificati, drachmas duas.

Macerentur per viginti-quatuor horas in
 Aquæ communis, libris octo.

In vase terræo vitrato. Deinde suspenso in medio liquore nodulo ex aquilæ albæ subtilissimè tritæ drachmâ unâ frustulo panni linei inclusâ, bulliant omnia & coquantur ad quartæ partis diminutionem. Decoctum refrigeratum per inclinationem effundatur, & servetur ad usum.

DECOCTUM ANTISCORBUTICUM.

Pag. 16. post DECOCTUM AMARUM.

Rx Radicum Graminis,
 Bardanæ,
 Oxylapathi, ana unciam unam.
 Glycyrrhiæ rasæ & contusæ, drachmas duas.

Coquantur in
 Aquæ communis, libris quinque ad libras quatuor.

Tum adde Decocto
 Scobis Radicis Raphani rustici radulâ vel scobinâ
 derafæ, unciam unam.

Paulo post in decoctum ab igne semotum injice
 Foliorum minutim concisorum Beccabungæ,

Nasturtii,
Cochleariæ, ana
manipulum unum.

Vas, quod terreum vitratum esse debet, accuratè obturatur, donec liquor prorsus refrigeratus sit. Tunc percoletur, & percolato liquori affundatur succus Mali Citrei unius expressus, & idem Malum Citreum frustulatim sectum in decocto immergatur. Serva ad usum.

SYRUPUS ALTHÆÆ FERNELII

Pag. 40. post SYRUPUM DE IBISCO.

Rx Radicum Althææ, uncias duas.
Cicerum rubrorum, unciam unam.
Radicum Graminis,
Asparagi,
Glycyrrhiæ mundatæ,
Uvarum passarum expurgatarum, ana unciam semis.
Cymarum Althææ,
Malvæ,
Helxines,
Pimpinellæ,
Plantaginis,
Adianti utriusque, ana manipulum unum.
Quatuor seminum frigidorum majorum,
& minorum, ana
drachmas tres.
Coquantur ex
Aquæ, libris sex.
Dum quatuor supersint. Colaturæ adde
Sacchari albi, libras quatuor.
Percoquatur Syrupus.

SYRUPUS

SYRUPUS HELLEBORATUS.

Pag. 48. post. SYRUPUM DE POMIS.

Rx. Radicum Hellebori nigri selectarum, unciam unam.
 Folliculorum Sennæ, uncias tres.
 Rhabarbari minutim concisi, unciam unam & semis.
 Glycyrrhizæ contusæ & in filamenta divisæ,
 unciam semis.

Macis,

Caryophyllorum,

Cinnamomi, ana drachmam unam.

Macerentur per triduum in Balneo-maris in vase vitrato
 optimè clauso in

Succi defæcati Fumariz, libris tribus.

Deinde bulliant per horam unam, & fortiter exprimantur.

Liquor expressus per se defæcatus cum

Cassonadæ, libris duabus,

Clarificetur ex albumine ovi, & coquatur in syrupum.

CONSERVA ROSARUM RUBRARUM LIQUIDA,
 OMNI TEMPORE PARANDA.

Pag. 59. post CONSERVAM ROSARUM.

Rx. Rosarum rubrarum exungulatarum perfectè siccata-
 rum & tenuiter pulveratarum, uncias tres.
 Aquæ Rosarum fragrantis Balneo-maris elicitz,
 uncias sex.

Misce, fiat massa quam immisce in

Sacchari aquâ Rosarum soluti & in tabellarum consis-
 tentiam cocti, libris duabus.

Fiat Conserva mollior.

CONSERVA ROSARUM RUBRARUM SOLIDA
OMNI TEMPORE PARANDA.

R Rosarum rubrarum siccatarum, & subtilissimè pulve-
ratarum, scrupulos quatuor.
Cremoris Tartari pulverati, grana novem.
Sacchari albissimi & in aquæ Rosarum fragrantis quan-
titate sufficiente cocti, uncias quatuor.
Misce, & admisce simul
Succi Limonum, guttas aliquot.
Fiant Tabellæ.

PULVIS PECTORALIS,
SIVE LOHOC SICCUM.

Pag. 64. post PULVEREM DIAMARGARITI FRIGIDI.

R Matris Perlarum præparatæ,
Cornu Cervi philosophicè præparati,
Eboris ad albedinem calcinati, ana drachmam unam.
Sacchari candi pulverati, drachmas duas & semis.
Olei Cacao, drachmam unam semis.
Radicum Althææ,
Liquiritiæ,
Gummi Arabici,
Tragacanthi, ana scrupulos duos.
Radicis Iridis Florentinæ, grana sex.
Terræ Japonicæ, grana octodecim.
Ex omnibus exactissimè tritis, pulveratis, lævigatis fiat lege
artis Pulvis tenuissimus.



PULVIS TEMPERANS.

Pag. 65. post PULVEREM E CHELIS.

Rx Tartari vitriolati,
Salis Nitri purissimi, ana drachmas tres.
Cinnabaris Antimonii, scrupulos duos.
Misce, fiat Pulvis subtilissimus.

PULVIS HYDRAGOGUS.

Pag. 71. post PULVEREM CORNACHINI.

Rx Radicis Jalapæ, unciam semis.
Mechoacanæ, drachmas duas.
Cinnamomi,
Rhei electi, ana scrupulos quatuor.
Gummi Guttx, drachmam semis.
Foliorum Soldanellæ siccatorum,
Seminum Ebuli,
Anisi, ana drachmam unam.
Misce, fiat Pulvis.

FINIS.

DEPARTMENT OF THE UNIVERSITY OF
MEDICAL LIBRARY

THE UNIVERSITY OF
MEDICAL LIBRARY
DEPARTMENT OF THE UNIVERSITY OF
MEDICAL LIBRARY

DEPARTMENT OF THE UNIVERSITY OF
MEDICAL LIBRARY

DEPARTMENT OF THE UNIVERSITY OF
MEDICAL LIBRARY
DEPARTMENT OF THE UNIVERSITY OF
MEDICAL LIBRARY

DEPARTMENT OF THE UNIVERSITY OF
MEDICAL LIBRARY